

四庫全書

子部

欽定四庫全書

子部  
初學記卷九

詳校官中書<sub>臣</sub>金應琦

員外郎<sub>臣</sub>牛稔文覆勘

總校官檢討<sub>臣</sub>何思鈞

校對官修撰<sub>臣</sub>吳錫麟

謄錄監生<sub>臣</sub>顧裕涇

欽定四庫全書

初學記卷九

唐 徐堅 撰

帝王部

總叙帝王

叙事

皇者天人之總美大之稱也易緯曰帝者

天號也

德配天地不私公位稱之曰帝天子者繼天治

物改政一統各得其宜父天母地以養人至尊之號也

大君者君人之盛也呂氏春秋曰帝者天下之所適王

者天下之所往也尚書緯曰帝者天號王者人稱天有五帝以立名人有三王以正度天子爵稱也皇者煌煌也洛書曰皇道缺故帝者興韓詩外傳曰君者羣也敢羣天下萬物而除其害者謂之君也 天皇顏峻始學

篇曰天地立有天皇十三頭號曰天靈治萬八千歲

洞冥

記曰一姓十三人也徐整三五歷紀云歲起攝提元氣肇有神靈一人有十三頭號天皇春秋緯云天皇地皇人皇兄弟九人分九州長天下也 遁甲開山圖曰天皇被跡在桂州崑

崙山下 地皇始學篇曰地皇興於熊耳龍門山人

皇始學篇曰人皇九頭兄弟各三百歲依山川土地之

勢財度為九州各居一方因是而區別

榮氏云人皇兄弟九人生於荆

馬山身九色

有巢氏始學篇曰上古皆穴處有聖人教之巢

居號大巢氏

皇甫謐以為有巢在女媧之後

遁甲開山圖曰石樓山在

琅邪昔有巢氏治此山南 燧人氏尚書大傳曰燧人

為燧皇以火紀官禮含文嘉曰燧人始鑽木取火炮生

為熟令人無腹疾遂天之意故為燧人 太昊庖犧氏

帝王世紀曰庖犧氏風姓也蛇身人首有聖德燧人氏

沒庖犧代之繼天而王首德於木為百王先帝出於震  
未有所因故位在東方主春象日之明是稱太昊都陳  
制嫁娶之禮取犧牲以充庖厨故號庖犧氏是為犧皇  
後世音謬故謂之伏犧或謂之密犧

一解云虛古伏字  
後誤以虛為密故

曰密

犧 尚書序曰伏犧氏之王天下也始畫八卦造書契

以代結繩之政由是文籍生焉詩含神霧曰華胥履大  
人跡而生伏犧左傳曰伏犧氏以龍紀官 帝女媧氏  
帝王世紀曰女媧氏亦風姓也承庖犧制度亦蛇身人

首一號女希是為女皇

淮南子曰往古之時四極廢九州裂天不兼覆地不周載女媧

鍊五色石以補蒼天斷鼇足以立四極殺黑龍以濟冀川積蘆灰以止滔水

極其末有諸侯共

工氏任知刑以強伯而不王以水承木非行次故易不

載及女媧氏沒次有大庭氏柏皇氏中央氏栗陸氏驪

連氏赫胥氏尊盧氏混沌氏有巢氏朱襄氏葛天氏陰

康氏無懷氏凡十五世皆襲庖犧之號 炎帝神農氏

帝王世紀曰神農氏姜姓也母曰姪姒有喬氏之女名

女登遊於華陽有神龍首感女登於尚羊生炎帝人身

牛首長於姜水有聖德以火承木位在南方主夏故謂之炎帝都於陳在位百二十年而崩至榆岡凡八世合五百三十年周書曰神農之時天雨粟神農耕而種之作陶冶斤斧古史考炎帝有火應故置官師皆以火為名陸景典語曰神農嘗草別穀蒸民乃粒食 黃帝有熊氏帝王世紀曰黃帝少典之子姬姓也母曰附寶見大電光繞北斗樞星照野感附寶而生黃帝於壽丘龍顏有聖德受國於有熊居軒轅之丘故因以為名得寶



鼎興封禪有景雲之瑞故以雲紀官為雲師以土德王  
在位百年而崩年百一十歲或言壽三百歲故宰我疑  
以問孔子孔子曰人賴其利百年而崩人畏其神百年  
而亡人用其教百年而移故曰三百年史記曰黃帝姓  
公孫氏生而神靈弱而能言代神農氏諸侯有不從者  
從而征之未嘗寧居東至海登丸山及岱宗西至崆峒  
登雞頭南至江登熊相北逐獯粥合符釜山而邑于涿  
鹿之阿遷徙無常行以師兵為營衛官名皆以雲采首

山之銅鑄鼎於荆山之上鼎既成有龍垂胡髯下迎黃  
帝黃帝上騎羣臣後宮從上七十餘人龍乃上天餘小  
臣不得上乃悉持龍髯拔墮黃帝之弓百姓仰望帝既  
上天抱其弓與龍髯而號故後代因名其處曰鼎湖其  
弓曰烏號 少昊金天氏帝王世紀曰少昊帝名摯字  
青陽姬姓也母曰女節黃帝時有大星如虹下流華渚  
女節意感而生少昊是為玄囂降居江水邑于窮桑以  
登帝位都曲阜在位百年而崩古史考曰少昊以金德

王故號金天氏或曰宗師太皞之道故曰少皞左傳曰其立也鳳鳥適至故紀於官為鳥師鳳鳥氏歷正也

帝顓頊高陽氏帝王世紀曰顓頊黃帝之孫昌意之子姬姓也母曰景僕蜀山氏女為昌意正妃謂之女樞金天氏之末瑤光之星貫月如虹感女樞幽房之宮生顓頊於若水首戴干戈有聖德生十年而佐少昊十二而冠二十登帝位以水承金位在北方主冬以水事紀官始都窮桑後徙商丘在位七十八年年九十八歲 帝

嘗高辛氏帝王世紀曰帝嘗姬姓也其母不覺生而神異自言其名曰爰駢齒有聖德年十五而佐顓頊三十而登帝位都亳以木承水在位七十年年一百五歲而

崩

陶弘景云在位六十年

帝堯陶唐氏帝王世紀曰堯伊

祁姓也母曰慶都孕十四月而生堯於丹陵名曰放勛鳥庭荷勝眉有八采豐下銳上或從母姓伊祁氏年十五而佐帝摯受封於唐年二十而登帝位以火承木都平陽景星耀於天甘露降於地朱草生於郊鳳凰止於

庭厨中自生肉脯其薄如翼形搖鼓則生風使食物寒而不臭又有草夾階生隨月而生死名曰蓂莢始堯在位五十年登舜二十年始老使攝政二十八年而崩即位九十八年年一百一十八歲 帝舜有虞氏帝王世紀曰舜姚姓也其先出自顓頊顓頊生窮蟬窮蟬有子曰敬康敬康生勾芒勾芒有子曰橋牛橋牛生瞽瞍瞽瞍妻曰握登見大虹意感而生舜於姚墟故姓姚氏字都君家本冀州其母早死瞽瞍更娶生象傲而父頑母

器咸欲殺舜舜能和諧大杖則避小杖則受年二十始以孝聞堯以二女娥皇女英妻之耕於歷山之陽耕者讓畔漁於雷澤漁者讓淵陶於河濱陶者器不窳堯於是乃命舜為司徒太尉試以五典舉八凱八元四惡除而天下咸服遂納于大麓烈風雷雨弗迷堯乃命舜代已攝政明年正月舜始受終文祖以太尉行事舜攝政二十八年而堯崩三年喪畢舜年八十一以仲冬甲子月次于畢始即真以土承火色尚黃以正月元日格于

文祖申命九官十二牧以禹為司徒舜年八十一即真  
八十三而薦禹九十五而使禹攝政攝政五年崩年百  
歲也尚書曰舜生三十登庸三十在位五十載陟方乃

死

孔安國注通服堯喪三年其一  
在三十之數凡壽百一十二歲

伯禹帝夏后氏帝

王世紀曰禹姒姓也其先出顓頊顓頊生鯀堯封為崇  
伯納有莘氏女曰志是為修己見流星貫昴又吞神珠  
意感而生禹於石紐名文命字高密長於西羌西夷人  
也堯命以為司空繼鯀治水十三年而洪水平堯美其

績乃賜姓妣氏封為夏伯故謂之伯禹及堯崩舜復命

居故官禹年七十四舜始薦之于天薦後十二年舜老

始使禹代攝行天子事五年舜崩禹除舜喪明年始即

真以金承土都平陽或都安邑年百歲崩于會稽始納

塗山氏之女生子啟即位

皇甫謐云自禹至桀并數有窮凡十九王合四百三十二

年禹一啟二太康三仲康四相五羿六寒浞七少康八

紂九槐十芒十一泄十二降十三脩十四厘十五孔甲

十六自半十七發 商殷氏帝王世紀曰殷出自帝嚳子

姓也主癸之妃曰扶都見白氣貫月意感以乙日生湯



故名履字天乙是謂成湯帝豐下銳上哲而有髯倨身而揚聲長九尺臂四肘有聖德諸侯不義者湯從而征之將伐桀先滅韋顧昆吾遂戰於鳴條之野桀奔于南巢之山湯乃即天子之位以水承金始居亳為天子十三年年百歲而崩湯娶有莘氏女為正妃生太子丁外

丙仲壬太子早卒外丙代立

皇甫謐云商之饗國也三十一王自見居位者實三

十王而言三十一者兼數太子丁也自湯得位至紂凡六百二十九年成湯一外丙二仲壬三太甲四沃丁五太庚六小甲七雍八太戊九仲丁十外壬十一河亶甲十二祖乙十三祖辛十四沃甲十五祖丁十六南庚

十七陽甲十八盤庚十九小辛二十小乙二十一武乙  
二十二祖庚二十三祖甲二十四廩辛二十五庚丁二  
十六武丁二十七太丁二十八帝乙二十九紂三十商  
書曰成湯既沒太甲元年孔安國注云太甲太丁子湯  
孫也太丁未立而卒及湯沒而太甲立稱元年謚法殘  
義損善曰紂敗於牧野懸首白旗從黃帝至紂三十六  
世紂二年納妲己二十年囚文  
王三十年武王觀兵於孟津

周帝王世紀曰周姬

姓也文王始修政三年而天下二分歸之入為紂三公  
年十五而生太子發文王九十七而崩太子發代立是  
為武王武王二年觀兵至孟津之上四年始伐殷為天  
子以木承水自鄆徙都鎬武王崩年九十三年太子誦代

立是為成王

皇甫謐云自剋殷至秦滅周之歲凡三十  
七王八百六十七年武王一成王二康王

三昭王四穆王五恭王六懿王七孝王八夷王九厲王

十宣王十一幽王十二平王十三桓王十四莊王十五

釐王十六惠王十七襄王十八頃王十九匡王二十定

王二十一簡王二十二靈王二十三景王二十四悼王

二十五敬王二十六貞定王二十七元王二十八哀王

二十九思王三十考王三十一威烈王三十二元安王

三十三夷烈王三十四顯聖王三

十五慎龍王三十六赧王三十七

秦氏帝王世紀曰

秦嬴姓也昔伯翳為舜主畜多故賜姓嬴氏至襄公始

修霸業壞井田開阡陌天子命為伯至昭襄王自稱西

帝攻周廢赧王取九鼎至莊襄王滅東西周莊襄王崩

政立為始皇帝并天下置三十六郡自以水德故以十

月為正色尚黑使蒙恬築長城焚詩書百家之言坑儒

士四百六十人三十七年崩于沙丘平臺年五十

皇甫謐云

自昭襄王滅周至于嬰凡四王二帝合四十九年昭襄

王一孝文王二莊襄王三始皇帝四胡亥五子嬰六又

帝王世紀曰秦改鎬曰咸陽都馬為漢驅除不求五運

別以水德王秦自始封至滅三十六世合六百五十年

秦顛頊之後也先世造父之為穆王御有功封之於趙

城國為趙氏也與簡子同祖嬴姓也秦亦在水火之間

漢氏

火德

帝王世紀曰漢出自帝堯劉姓也豐公生執

嘉即太上皇也太上皇之妃曰媪是為昭靈后生子邦

字季是為漢高皇帝秦二世元年諸侯叛秦沛人共立

為沛公二年入武關至灞上秦王子嬰降項羽自立為

西楚霸王立沛公為漢王王巴蜀漢元年還攻雍遂定

三秦五年破楚王羽於垓下追斬於東城天下始定春

正月楚王韓信等請尊為皇帝二月即位于定陶汜水

之陽都長安十二年崩于長樂宮年六十二初納呂公

之女謂之高皇后生太子盈代立

按前漢十二帝高祖一惠帝二高后三文

帝四景帝五武帝六昭帝七宣帝八元帝九成帝十哀  
帝十一平帝十二王莽立孺子嬰居攝三年篡位十五

年更始立二年皇甫謐曰自高祖元年至更始二年凡得二百三十年

後漢帝王世紀

曰光武皇帝出自景帝也名秀字文叔更始元年為偏

將軍破王邑殺王尋誅王郎更始二年立為蕭王建武

元年四月更始降赤眉六月光武即帝位于常山鄆之

陽千秋亭都洛陽在位三十三年中元二年二月崩于

洛陽南宮年六十三太子莊代立是為孝明皇帝

按後漢書

十二帝光武一明帝二章帝三和帝四瑒帝五安帝六順帝七冲帝八質帝九桓帝十靈帝十一獻帝十二皇

甫謐云自漢元至更始五年凡二百一十二年自居攝元年至更始二年凡十八年自建武元年至延康元年

凡一百九十五年漢前後并諸廢帝  
及王莽合三十一帝四百二十五年

魏氏上德帝王世

紀曰魏曹姓也武皇帝諱操字孟德漢建安二十四年

進爵為魏王改二十五年為延康元年春正月崩于洛

陽年六十六太子丕代立是為文皇帝其年冬十月受

漢禪改延康元年曰黃初都洛陽黃初七年崩年四十

皇甫謐云自黃初元年至禪晉之歲凡五帝四十五年  
文帝一明帝二廢帝齊王三廢帝高貴鄉公四元帝五

樂魏文帝初立號黃初元年黃初二年劉備於蜀稱帝  
號章武元年立三年而崩年六十三子禪嗣位二主合

四十三人為魏所滅黃初三年孫權稱吳王於武昌號  
黃武元年後稱帝立二十一年而崩年七十子亮嗣位

自權至皓四主合五十九年為晉所滅

晉氏金德晉書曰武皇帝諱炎字

安世河內溫縣人姓司馬氏太始元年升壇受禪禮畢

即洛陽宮追尊宣王為宣皇帝武帝祖景王為景皇帝武帝

伯父文王為文皇帝武帝父太熙元年崩年五十五立二十六年太

子衷嗣是為惠帝案晉書自武帝至恭帝凡一十五帝合一百六十五年禪于宋也武帝一惠帝二懷帝三愍

帝四已上西朝都洛陽元帝五明帝六成帝七康帝八穆帝九哀帝十廢帝十一簡文帝十二孝武帝十三安

帝十四恭帝十五已上東朝都建邺今潤州江寧縣是也事對犧軒炎昊並見敘事九

舜十堯桓範要論曰青公者易雖一賢少謬執難者衆雖九舜猶亂韓子曰今天堯舜生而在上



位雖有十桀而不能亂者則勢安也桀紂亦生  
而在上位雖有十堯舜而不能化之則勢亂也  
**白帝**

**玄王**

河圖曰白帝朱宣宋均曰少昊氏也國語曰玄王  
勤商十有四葉而興賈逵注曰玄王謂契湯之祖

契謂之  
玄王

**雲名**

**火紀**

左傳曰黃帝以雲紀故為雲師而  
雲名炎帝以火紀故為火師而火

名

**大庭少昊**

燕周古史考曰大庭氏姜姓以火德王  
故號曰炎帝皇甫謐帝王世紀曰少昊

帝名摯  
字青陽

**六羽**

**九翼**

春秋命歷序曰人皇九頭駕六羽  
乘雲谷口河圖曰天皇九頭駕六羽

旋  
**若水**

**塗山**

呂氏春秋曰帝顓頊生自若水岩處空  
桑乃登帝位蜀王本紀曰禹母含珠孕

禹圻颺而  
生於塗山

**生翼**

**在房**

春秋合誠圖曰赤帝之精生於  
翼下春秋元命苞曰姬昌蒼帝

之精位在房心家均  
注曰蒼帝靈威仰

**玄鳥**

**赤龍**

列女傳曰簡狄者帝  
嚳之少妃有娥之女

浴於玄丘之水有玄鳥啣卵而墜五色簡狄得而吞之  
遂生契詩含神霧曰慶都與赤龍合婚生赤帝伊祁克

也  
**夢日**

**感星**

漢武帝故事曰王皇后內太子宮得幸  
有娠夢日入其懷尚書帝命驗曰姚氏

繼華感樞注曰舜母感  
樞星之精而生舜重華

**繞星**

**貫月**

詩含神霧曰大電  
光繞北斗樞星照

郊野感附竇而生黃帝河圖曰瑤光之星如  
虹貫月感女樞於幽房之宮生黑帝顛頊也

**珠庭**

**玉**

**理**

洛書曰黑帝子湯長八尺一寸珠庭春秋命歷  
序曰神農戴玉理宋均注曰玉理猶玉英也

**四乳**

**八眉**

春秋元命苞曰文王四乳是謂含良蓋法酒旗  
布恩舒明宋均注曰酒者乳也能乳天下布恩

之謂也尚書大傳曰堯  
八眉八眉者如八字

**重瞳**

**餅齒**

春秋元命苞曰舜  
重瞳子是謂滋涼

宋均注滋涼有滋液之潤且清涼光明而多見又  
曰武王齟齬是謂剛強宋均注曰重齒以為表

**龍顏**

鳥喙

春秋元命苞曰黃帝龍顏尸子曰禹長頸鳥喙貌亦惡矣天下從而賢之者好學也

望廣

視豐

春秋合誠圖曰蒼帝之為人望之廣視之專而長九尺一寸又曰赤帝之為人視之豐長八尺

七寸鱗身

牛首

王延壽魯靈光殿賦曰伏羲鱗身女媧蛇軀皇甫謐帝王世紀曰有螭氏女名

女登為少典妃遊華陽有神龍首感女登生炎帝人身牛首

戴干

懷斗

春秋元命苞曰帝嘗

戴干是謂清明宋均注曰干盾也洛書曰有人出石夷掘地代戴成鈴懷玉斗鄭玄注曰懷璇璣玉衡之道姚

氏以禹曾有黑子如北斗

昭華

延喜

尚書大傳曰舜耕於歷山堯妻之以二女屬其九子也贈

以昭華之玉尚書璇璣鈴曰禹授啟握玄珪出刑曰延喜之玉受德天賜之佩

握河

沈洛

皇甫

謚帝王世紀曰堯率諸侯羣臣沈璧於洛河受圖書今尚書中候握河紀之篇是也尚書中候曰朕率羣臣沈

壁於洛河良侯于下稷赤光起玄龜負書出赤文成字

**金牛**

**玉馬**

淵氏瑞應圖曰金牛瑞器

也王者土地開闢則金牛至又曰玉馬者瑞器也王者清明篤賢則至

**温洛**

**滎河**

易乾鑿度

曰帝盛德之應洛水先温九日乃寒五日變為五色尚書中候曰帝堯即政滎光出河

**大君元**

**后**

周易曰大君有命開國承家尚書曰可爰非君可畏非民衆非元后何戴

**出震**

**開階**

周易

曰帝出乎震齊乎巽春秋孔演圖曰天子皆五帝之精寶各有題序以次運相據起必有神靈符紀使開階立

**當宁**

**置圖**

禮記曰天子當辰而立諸侯北面而見天子曰覲天子當宁而立諸公東面諸

侯西面曰朝春秋孔演圖曰王者常置圖錄坐旁以自正也

**按轡**

**垂拱**

陸子曰三皇垂拱五

帝垂手唐虞按轡禹湯馳轡雖使周公御術仲尼促節固不已也應劭風俗通曰皇天不言四時行焉百物生

馬三皇垂拱无為有  
似皇天故稱曰皇  
時乘  
或躍  
周易曰時乘六龍以  
御天又曰九四或躍

在  
纂堯  
授舜  
漢書高祖述曰皇矣漢祖纂堯之緒實  
天生德聰明神武禮記曰堯授舜舜授

禹湯放桀  
武王伐紂  
擊壤  
鼓腹  
史曰堯時有老父者擊壤而嬉  
於路言曰我鑿井而飲耕田而

食帝力何有於我哉  
莊子曰赫胥氏時人居  
不知所為行不知所之含哺而嬉鼓腹而遊  
垂衣  
卷

領  
易曰黃帝堯舜垂衣裳而治天下蓋取諸乾坤淮南  
子曰古有整頭而卷領以王天下注曰古者蓋三皇

以前整頭著兜帽言未知制冠卷領皮  
衣屈而袂之如今朝韋囊反攝以為領  
鶉居  
掬飲  
尸

曰人言居天下者瑤臺九累而堯白屋  
黼黻九種而堯  
大布宮中三市而堯鶉居禮記曰蕢桴而土鼓汗搏而

抔飲鄭注汗搏  
攪  
攪  
結繩  
晏子曰古者有緜衣攪領  
而王天下者矣莊子曰昔

者客成氏大庭氏柏皇氏中央氏  
當是時人結繩而用之以為政

**垂筮**

**委裘**

陸子曰  
三皇垂

筮而五帝擊手呂氏春秋曰  
堯之官若委裘以言少事

**槽巢**

**營窟**

晏子曰古者  
有處槽巢而

王天下者矣禮記曰昔者先  
王冬則居營窟夏則居槽巢

**則地**

**揆天**

黃石公三略  
曰帝者體天

則地有言有令而天下太平文子  
曰伏犧氏之王天下也功揆天地

**就日**

**望霓**

大戴禮  
曰宰我

請問帝堯孔子曰放勳其仁如天其智如神就之如日  
望之如雲孟子曰湯一征自葛載天下信之人望之若

大旱之望  
雲霓也

**合神**

**順命**

七經義綱曰孔子曰天子之德  
感天地洞八方以化合神者稱

皇德合天者稱帝德合仁義者稱王春秋元命苞曰天  
道煌煌非一帝之功王者赫赫非一家之常順命者存

逆命  
者亡

**大德**

**鴻名**

易曰天地之大德曰生聖人之大寶  
曰位何以守位曰仁何以聚人曰財

司馬相如封禪書曰前聖之所  
以永保鴻名常為稱首者也  
**明一**  
**通三**  
管子曰明一者皇察

道者帝通德者王謀得兵勝者霸董子曰古之人造文字者三畫而連其中者謂之王三畫者天地與人也連

其中通其道也取其天地與人之才  
而三通之非王者孰能若是乎  
**合元**  
**順紀**  
何休注公

羊傳曰德合於元者稱皇大戴  
禮曰黃帝順天地之紀者也  
**巍巍**  
**翼翼**  
論語曰巍

之有天下而不與馬何晏注曰美舜禹已不與求天下  
而得之也魏巍者高大之貌毛詩曰維此文王小心翼

翼昭事上帝聿懷多福  
鄭箋云翼翼小心之貌  
**赫赫**  
**煌煌**  
毛詩曰明明在下赫赫在上毛萇注

曰文王之德明明於下故赫赫然著於天也漢書曰孝  
成煌煌臨朝有光威儀之盛如珪如璋禮記曰天子穆

穆諸侯  
皇皇  
**穆穆**  
**乾乾**  
禮記曰天子穆穆諸侯皇皇易曰  
九三君子終日乾乾夕惕若厲无

啓  
**五德** **三統**  
月令曰立春之日盛德在木其帝太皞  
夏曰盛德在火其帝炎帝夏季盛德在

土其帝黃帝秋日盛德在金其帝少昊冬日盛德在水其帝顓頊漢書曰三統者天施地化人事之紀也  
**步**

**驟**  
**質文**  
白虎通曰三皇步五帝驟三王馳五霸  
三綱  
驚大戴禮曰質文再而變正朔三而改

**一統**  
論語曰周因於殷禮所損益可知也注曰所因謂三綱五常也所損益謂文質三統也易乾鑿

度曰天子者繼天理物致政一統各  
得其宜父天母地以養人至尊之號  
**青丘** **丹浦**  
歸藏

曰蚩尤出自羊水八肱八趾疏首登九淖以伐空桑黃  
帝殺之於青丘帝王世紀曰有苗處南蠻而不服堯征

而克之于  
**牧野** **阪泉**  
尚書曰武王戎車三百兩虎賁  
丹水之浦  
三千人與紂戰於牧野大戴禮

曰軒轅與赤帝  
**軒營** **周陣**  
史記曰軒轅邑于涿鹿之  
戰于阪泉之野  
阿遷徙無常行以師兵為



營衛尚書曰武王伐殷一月戊午師渡孟津癸亥陳于商郊俟天休命師鳳墟韓子鮪水曰文

王伐崇至黃鳳墟而禘繫解顧無左右令繫文王乃自結之皇甫謐帝王世紀曰武王四年起師而東遂率戎

車至鮪水中舜戚軒弧皇甫謐帝王世紀曰有苗氏子至于商郊舜乃修文教三年

執干戚而舞之有苗請服易曰神農氏沒黃帝堯舜氏作弦木為弧剡木為矢弧矢之利以威天下蓋取諸睽

親耕躬稼呂氏春秋曰神農之教曰士有當年而不耕者則天下或受其寒矣故躬親耕妻親績論語曰禹稷躬稼而有天下抵璧藏金張衡

賦曰抵璧於谷陸賈新語曰舜藏堯廚舜甑皇甫謐

黃金於嶺嵒之山以杜邪淫之欲堯廚舜甑皇甫謐

紀曰堯廚中自生肉脯其薄如髮形搖鼓則生風使食物寒而不臭名曰翼脯韓詩外傳曰昔舜甑盆無壚而

工不以  
巧獲罪  
枯柱  
土階  
周書曰文王在鄣召太子發曰吾  
枯柱而茅茨為人愛費墨子曰克

堂高三尺土階三等  
茅茨不翦米椽不斷  
二八  
四七  
左傳曰舜臣堯舉八  
凱使主后土以揆百

事莫不時序地平天成舉八元使布五教于四方父義  
母慈兄友弟恭子孝內平外成范書曰儒生彊華自關

中奉赤伏符來曰劉秀發兵捕不道四方雲集龍鬪野  
四七之際火為主又張衡西京賦我光武忿之乃龍飛

白水鳳翔參墟授鉞四七共  
工是除境槍旬始羣克靡餘  
握髮  
吐哺  
皇南謚帝王  
世紀曰禹一

沐三握髮一餐三起班叔皮王命論曰高祖  
信誠好謀達於聽受當食吐哺納子房之策  
虞韶  
夏

籥  
論語曰子在齊聞韶三月不知肉味孔安國注韶舜  
樂名呂氏春秋曰禹立命皋陶作夏籥九成以昭其

功  
犧瑟  
媯笙  
帝王世紀曰伏羲作瑟三十六弦  
長八尺一寸禮記曰女媯之笙黃漢疏

虞琴

史記曰高祖還歸過沛置酒沛宮悉召故人父老子弟縱酒發沛中兒得百二十人數之歌酒

耐高祖擊筑自為歌詩禮記曰昔舜作五絃之琴以歌南風

經綸

覆露

周易曰雲雷屯君子

以經綸淮南子曰帝者體太一者紀綱八極經緯六合覆露昭導普施而无私

亭毒

財成

老子

曰亭之毒之蓋之覆之王弼注亭謂品其形毒謂成其實易曰天地交泰后以財成天地之道輔相天地之宜

以左  
右民  
陰樾

推溝

淮南子曰武王陰鳴人於樾下而天下懷之感於恩也桓寬鹽鐵論曰禹

稷自布衣思天下有不得所者若已推而納之溝中

泣辜

扇暍

劉向說苑曰禹出見臯人問而

泣之皇甫謐帝王世紀曰武王自益津還及于周見鳴人王自左擁而右扇之神輸

神輸

人贊

春秋

元命苞曰王者往也神之所輸向人所歸樂范焜後漢書光武贊曰靈慶既啟人謀咸贊明明廟謨赴赴雄斷

貢雉

獻葵

史記曰周成王時越裳貢白雉尚書曰西旅獻葵注云西戎遠國貢大犬

展義

觀風

左傳曰天子非展義不巡狩禮記曰命太師陳詩以觀民風

周轍

夏迹

左傳

楚右尹子革曰昔穆王欲肆其心周行天下將必有車轍馬迹祭公謀父作祈招之詩以止王心是以獲沒於

祇宮又曰茫茫焉迹畫為九州

舜旌

堯鼓

管子曰舜有告善之旌而主不蔽也禹立諫鼓於朝

而備訴訟鄧子曰堯置敢諫之鼓

夏磬

周鞀

劉向說苑曰禹之化天下也以五聲聽門懸鐘

鼓鐸磬而置鞀以待四海之士呂氏春秋曰舜有非謗之木湯有司過之士武王有成慎之鞀猶恐不知已過

獻櫻

薦黍

漢書曰惠帝嘗出遊離宮叔孫通曰古者春嘗果方今櫻桃熟可獻願陛下出因取

櫻桃獻宗廟上許之諸果獻由此興也禮記曰仲夏之月農乃登黍乃以雛嘗黍羞以含桃先薦寢廟足

履已

手握寢

皇甫謐帝王世紀曰修己山行見流星貫昂夢接意感生禹於石紐虎鼻大口

足文履已孝經拔神契曰舜龍顏大口手握寢宋均注曰握寢手中有寢字喻從勞苦受寢飾致大祚也得

玉厯

佩寶文

干寶搜神記曰虞舜耕於歷山得玉厯於河際之巖舜知天命在己體道不倦

河圖曰禹既治水功大天帝以寶文大字賜禹佩渡北海弱水之難醴泉出祥鳳至尚

中候曰帝堯卽政七十載甘露潤澤醴泉出山榮光出河休氣四塞禮斗威儀曰人君政訟平即祥鳳至玉

龜讖

石馬圖

瑞應圖曰玉龜者師曠時出河東之涯為聖圖出河負錄讖書王隱晉書曰懷

帝永嘉元年有玉龜出蒲水魏氏春秋曰明帝青龍三年張掖郡刪丹縣金山立川溢湧石馬負圖狀象靈龜

立于川西有石馬紀鳳鳥舞神魚左傳曰少昊氏之七麟在東鳳在南紀鳳鳥立也鳳鳥適至故

紀於鳥孔安國注尚書曰雄曰鳳雌曰凰靈  
鳥也漢書宣帝時東浮大河神魚舞於河 御二龍

駕六鳳

括地圖曰禹誅防風夏德盛二龍降之禹使范  
氏御之以行春秋命歷序曰辰放六頭四乳在

位二百五十年離光次之號曰皇談銳頭 作舟車 為  
日角駕六鳳鳳出地衝在位五百六十歲

耒耨

班固東都賦曰作舟車造器械斯乃軒轅氏之所  
以開帝功也易曰庖犧氏沒神農氏作斲木為耜

揉木為耒耨 建皇極 合天中 尚書洪範曰建用皇  
之利以教天下

也極中也凡立事當用大中之道春秋運斗樞曰處犧  
女媧神農是三皇皇者中也弘也合天履中開陰布綱

止合皇極其施光明 含乾元 體太一 桓譚新論曰夫  
煌煌盛美不可勝量

能載包含以統乾元也文子 法三才 咸一德 淮南子  
曰帝者體太一王者法陰陽

者體太一以法三才尚書  
曰惟尹躬暨湯成有一德  
**皇侔天** **帝合地**  
春秋繫露曰德侔天

地者稱皇德合地者稱帝德合人者稱王  
**禹孜孜** **湯栗**

**栗**  
尚書曰禹曰予思日孜孜孔安國注曰言已思日孜孜不怠奉成臣功而已又曰湯既黜夏命復歸于亳

作湯誓曰栗栗危懼若將隕于深淵  
**推五勝** **改三正**  
漢書曰秦兼天下未遑暇也亦頗推

五勝五行相勝秦以周為火水  
以勝之大戴禮曰正朔三而改  
**禹菲食** **湯布衣**  
孔子曰禹

吾無間然矣菲飲食而致孝乎鬼神尸子曰湯之救旱也素車白馬布衣身嬰白茅以身為牲當此時絃歌舞

者禁  
**堯羹藜** **舜飯糗**  
韓子曰堯之王天下糗菜之食藜藿之羹孟子曰舜之飯糗茹

草若將  
**魏虛座** **漢側席**  
吳書曰虞翻字仲翔著易甚終身馬  
有大意魏文帝聞翻名為設

虛座守之從漢書曰朕

歌龍鱗

歎鴻翼

傳立樂府雜歌詩曰鳳有

翼龍有鱗君不獨興必須良臣管子曰桓公在瀨管仲

隱朋見忽有二鴻飛而過之公歎曰寡人有仲父猶飛

鴻之有

得六相

有五臣

管子曰昔黃帝得蚩尤明乎

帝辨乎東方得祝融辨乎南方得大封辨乎西方得后

土辨乎北方黃帝得六相而天下化論語曰舜有臣五

人而天下治孔安國

有十亂

用三傑

王曰子有亂

注禹稷契皋陶伯益

理官者十人周公召公太公畢公榮公大顛閔夭散宜

生南宮适其一人謂文母也漢書曰高帝云夫運籌於

帷幄之中決勝千里之外吾不如子房鎮國家撫百姓

給餉饋吾不如蕭何運百萬之衆戰必勝攻必取吾不

如韓信三者皆人傑吾能

拔芻牧

舉行陣

漢書曰上

用之此吾所以取天下也



武求之如不及始以蒲輪迎枚生見主父而歎息羣士  
慕向異人並出卜式拔於弱牧弘羊擢於賈監班彪王

命論曰舉韓信於行陣收陳平於亡命英雄陳  
力羣策畢舉此高祖之大略所以成帝業也 **作承雲**

**和調露**

呂氏春秋曰帝顓頊合飛龍作效八風之音  
命之曰承雲樂叶圖徵曰四時之節動靜各

有分職不得相越當以度行謂調 **鳳集梧桐 龜出芝**  
露之樂注曰調露和致於甘露樂

**池** 韓詩外傳曰黃帝即位鳳乃止於帝東園集帝梧桐  
樹食帝竹實沒身不去魏略曰魏文帝神龜出於靈

芝 **東戶鴈行 西鄰禴祭** 子思子曰東戶季子之時道  
池 鴈行而不拾遺耕耨餘糧

宿諸畝首易曰東鄰殺牛不 **烏江追項 赤壁破曹** 史  
如西鄰之禴祭實受其福

曰項王至東城乃有二十八騎追者數千人欲東渡烏  
江亭長艤船待謂項王曰江東雖小地方千里眾數十

萬亦足王也願大王急渡今獨臣有船漢軍至無以渡  
項王笑曰籍與江東子弟八千渡江而西今無一人還  
縱江東父老憐而王我我何面目見之縱彼不言籍獨  
不愧于心乎蜀志曰曹公南征劉表率將精騎五千急  
追先主及於當陽之長坂先主走到夏口遣諸葛亮  
自結於孫權與曹公戰於赤壁大破之焚其舟船

周

武仗鉞

漢高提劍

尚書曰武王與受戰於牧野甲子  
昧爽王朝至于商郊左仗黃鉞右

秉白旄以麾史記曰高祖擊英布時為流矢所中病呂  
后迎良醫醫入高祖媢罵之曰吾以布衣提三尺劍取  
天下此非天命命乃鴻門謝羽  
漢書曰羽  
在天雖偏鵠何益

鴻門謝羽

洙水敗尋

漢書曰羽  
至函谷關

有兵守不得入關沛公已屠咸陽羽大怒使當陽君英  
布擊關羽遂入至戲西鴻門明日沛公從百餘騎至鴻門  
謝羽自陳封秦府庫還軍灞上以待大王閉關以備它  
盜不敢背德後漢書曰王莽遣王尋王邑將兵百萬圍

昆陽光武乃與敢死者三千人衝其中堅遂殺王尋莽  
兵大敗走者相騰踐奔一百餘里間會大雷風屋瓦皆

飛雨下如注澁水盛溢士卒  
爭赴溺者萬數水為之不流  
**周官棫樸** 殷相鹽梅

曰棫樸文王能官人也芄芄棫樸薪之類之毛萇注曰  
芄芄木盛也棫白桮也山木茂盛萬民得而薪之喻賢

人衆多國家得用蕃興也尚書曰高宗夢傅說爰立作  
相王置諸其左右命之曰若金用汝作礪若濟巨川用

汝作舟楫若作酒醴爾惟麴蘖若作和  
羹爾惟鹽梅若歲大旱用汝作霖雨  
**葛天八闕** 虞

**帝九成** 呂氏春秋曰昔葛天氏之樂三人操牛尾投足  
以歌八闕高誘注曰葛天氏古帝名也投足猶

蹠足闕然也尚書曰蕭韶九成鳳凰來儀孔安國  
注曰韶舜樂名也帝王世紀曰帝舜即有虞氏  
**軒皇**

**夔鼓** 漢帝鸞旗 皇甫謐帝王世紀曰黃帝於東海流  
波山得奇獸狀如牛蒼身無角能走

出入水則風雨光如日月其音如雷名曰夔黃帝殺之  
以其皮為鼓聞五百里史記曰黃帝號軒轅氏漢書曰  
文帝時有獻千里馬者詔曰鸞旗在前屬車在後吉  
日行五十里馬獨先馬往於是還馬給道里之費見

**窘蘭池**

**微行栢谷**

史記曰始皇帝為微行與武士四  
人俱夜出逢盜蘭池見窘武士擊

殺盜漢武故事曰上嘗輕服為微行  
至栢谷夜投亭長不納乃宿於逆旅

**出軫**

**吐珠**

尚書  
帝命

驗曰東南紛紛注精紀昌光出軫已國之鄭玄注曰謂  
劉氏也謂火精當起翼軫之野尚書考靈耀曰河圖子  
提期地留赤用藏龍吐珠鄭玄注曰河圖子劉氏而提  
起也珠寶物喻道也赤漢當用天之秘道故河龍吐珠

**侮人**

**樂沛**

漢書王陵曰陛下慢而侮人項羽仁而愛  
人又曰高祖曰吾雖都長安之後吾魂魄

猶思  
樂沛

**降子嬰**

**封雍齒**

史記曰漢元年十月沛公先  
諸侯至灞上秦王子嬰降於軹

道漢書曰高祖於未央宮望見諸將於沙中偶語  
乃先封雍蓋人人皆喜曰雍蓋且侯吾等無患矣**貪財**

**貨起布衣**

史記曰范增說項羽曰沛公居山東貪於財貨今入闕財物無所取其志不小急擊

之勿失荀悅紀曰高祖起於布衣奮劍而取天下

**總萬廷**

**旅五緯**

河圖曰高皇攝正總

萬廷四海歸詠理威明文德道化承天精丙京賦曰高祖之始入也五緯相叶以旅之于東井**隱芒澤**

**徭咸陽**

帝王世紀曰高祖為泗水亭長送徒驪山徒多道亡自度比至皆失盡到豐西澤中止飲

夜乃解縱所送徒高祖即自疑亡匿於芒碭山澤岩石之間史記曰高祖常徭咸陽縱觀秦始皇帝喟然太息

曰嗟乎大文夫當如此也**朱鴈**

**白麟**

漢書曰孝武皇帝行幸東海獲赤鴈作朱鴈之歌又曰武

帝行幸雍祠五時獲白麟乃作白麟之歌

**芝房**

**瓠子**

漢書曰武帝元封二年詔曰甘泉之宮中

產芝九莖連葉作芝房之歌又曰武帝東巡於海上四月還祠泰山至瓠子臨決命從臣將軍以下皆負薪塞

河隄作瓠子之歌

**盛唐**

**萬里**

漢書曰元封五年帝南巡至于盛唐又太初元年禪萬里注曰

萬里山名也

**甲帳**

**交門**

漢武帝起九間神屋以琉璃珠玉明月夜光雜錯天下珍寶為甲帳

其次為乙帳甲以居神乙則上自御之漢書曰太始四年幸不其祠神人于交門宮若有嚮坐拜者作交門之

歌  
**歷鳴澤**

**濟汾河**

漢書曰武帝元封四年北出蒲關歷鹿鳴澤漢武帝秋風詞曰泛樓

船兮濟汾河橫中流兮揚素波蕭鼓鳴兮發棹歌歌樂極兮哀情多少壯幾時兮奈老何

**出竹宮**

**生蘭殿**

漢儀曰郊泰時皇帝平明出竹宮東向揖日其夕西向揖月漢武帝故事曰武帝以乙酉年七

月七日生於猗蘭殿

**體亞聖**

**慮如神**

張儼默記曰漢光武體亞聖之才執文武畧聰明仁

德膺時而出薛瑩漢記曰光武寬容博納  
計慮如神是以任光竇融望風附影也  
**仕金吾擊**

**銅馬**

後漢書曰光烈陰皇后諱麗華南陽新野人也光武適新野聞后美心悅之後至長安見執金吾車

騎甚盛因歎曰仕宦當作執金吾娶妻當得陰麗華東觀漢記曰更始年立上為蕭王擊銅馬大破之乃受降

**殺王尋**

**擒張步**

後漢書曰更始元年王莽遣王尋王邑將兵百萬旌旗輜重千里不絕圍

昆陽城數十重光武乃與敢死者三千人從城西水上衝其中堅尋邑陣亂遂殺王尋莽兵大潰張儼默記曰

漢光武中興破赤眉擒張步隗  
竇之徒羣凶夷滅華夏肅清

**北部**

**西陵**

魏志曰太祖武帝二

子舉孝廉為郎除洛陽北部尉魏武帝遺令曰吾妹好  
妓人皆著銅雀臺於臺上施六尺牀總帳朝晡上脯糗

之屬月朝十五輒向帳作樂汝等  
時登銅雀臺望吾西陵墓田勿闕  
**擊蛟**  
**射雉**  
幼童傳曰太祖

幼而智勇年十歲嘗浴於熱水有蚊來逼自水奮擊蚊乃潛退於是畢浴而還弗之言也魏書曰太祖於南皮

一日射雉獲三十六頭也林梅野葛劉義慶記魏武帝行兵失道三軍皆渴帝曰前有大梅林

結子甘酸可以解渴士卒聞之口皆出水乘此得以及前源張華博物志曰太祖習取野葛至一尺亦得少多

飲鳩至廣陵故城臨江觀兵又曰黃初元年修渦營洛魏志曰黃初六年帝遊以舟師自譙修渦入淮從陸道達徐州築東巡臺

十二月帝初營洛陽宮戊午幸洛陽書鞭擊蔗魏

帝臨渦賦序曰上建安十八年至譙余兄弟從上拜墳墓遂乘馬遊觀經東園遵渦水高樹之下駐馬書鞭為

臨渦賦魏文帝典論自叙曰余幼學擊劍與平虜將軍劉勳奮威劉展等共飲酒宿間展有手臂能空手入白

刃余與論劍良久謂言將軍法非也余顧嘗好之又得善術因求余對時酒酣耳熱方食芋蔗便以為杖下殿



數交三  
中其臂

**金車**

**寶鼎**

吳志曰初興平中吳中童謠云黃金車班蘭耳開閭門出天子閭門

吳西郭門夫差所生也吳錄曰赤烏十二年寶鼎見於臨平湖中

**都武昌**

**遷建鄴**

吳志

曰黃初二年孫權自公安郡都鄂改名武昌又曰黃武元年四月祭南郊即皇帝位遷都建鄴

**持鞍綬**

**鞞**  
**受箭迴船**

虞溥江表傳曰孫權征合肥為張遼所襲乘駿馬上津橋南回見撒谷利在馬

後使權持鞍緩鞞著鞭遂得起渡魚豢魏畧曰孫權乘大船來觀軍曹公使弓弩亂發箭著其船船偏重將覆

權因迴船以輕面受箭箭均船平而去

**大口方頤長上短下**

虞溥江表傳曰孫堅

為下邳丞時權生方頤大口目有精光漢獻帝春秋曰張遼問吳降人曰紫髯將軍長上短下是誰答曰是孫

**會稽吳**

**胤漢**

蜀志曰先主遣諸葛亮自結於孫權華陽國志曰漢末雄傑並起先主名微衆

鮮建元增漢與之鼎峙

**棄妻子**

**失七箸**

蜀志曰曹公遺精騎追及先主於當陽之長坂

先主棄妻子與數十騎而走又曰曹公從容謂先主曰天下英雄唯操與使君耳袁本初之徒不足數也先主

方食失匕箸

**翦芳蘭**

**乘羽葆**

蜀志曰先主將誅張裕諸葛亮請罪先主曰芳蘭當門不

得不翦又曰先主舍東南角有桑樹童童如小車蓋先主少時與諸宗兒戲言吾當乘此羽葆蓋車

**有奇**

**節**

**與大謀**

干寶搜神記曰高祖宣皇帝少有奇節聰明多大畧又曰宣帝遷太子中庶子每大謀

畫策多善由是為太子所信重

**討公孫**

**迎魏帝**

臧滌緒晉書曰遼東太守公孫文懿反詔

宣帝討之發自京東都過魏溫詔郡守已下皆會幕次父老故舊讌飲累日王隱晉書曰魏帝謁高平陵曹爽

兄弟皆從高祖以爽執政不平廢之起奏事永寧宮悉起營兵及城中餘眾承制發武庫仗開四門出迎魏帝

于洛濱奏  
爽罪也

遷庶子

封舞陽

干寶晉記曰魏國既建高祖遷太子中庶子與陳羣

吳質朱鑠號曰四友又曰天子疾篤帝與曹真陳羣等見於崇華殿之南堂並受顧命輔政詔太子曰有間此

三公者慎勿疑之明帝即位改封舞陽侯

被南國

終北面

臧榮緒晉書曰遠東以諸將獻

捷交至乃申授前命曰躬擐甲宵襲行天罰掃平區域申成吳會裨贊皇靈被于南國陸士衡晉書曰文帝勢

崇於三分而身終乎北面雖曰未暇王業已固矣

忠恕無過言

仁厚有智量

王隱晉書曰武帝少厲高行造次於忠恕未嘗有減膳過言失色於人又曰武帝寬惠仁厚深密有智量

燒裘

王隱晉書曰武帝太始七年三月詔太官減膳又曰有獻雉頭裘者上曰異服奇裘典

制所禁也其於前殿燒裘勅有異服者依禮致罪

魏禪

吳平

王隱晉書曰咸熙二年魏武禪

位于上臧榮緒晉書曰武帝問劉毅曰卿以吾可方漢何帝也對曰可方桓靈帝曰吾德雖不及古人猶克已

為政又平吳會一同天頌顏師古聖德頌緬尋避代詳觀往冊五勝

贊丈三正沿革亂多化勤明寡晦積炎精既淪大運斯

電擊八區共工慙斃涿鹿妖除枝換斯撤撓槍靡餘建

武戢及偃伯蚌車蠲苛削密求瘼恤隱琴瑟更張街策

俱盡滿堂已樂聲誦猶軫扇賜垂仁泣辜流憫吏勉端

潔民歸愿謹肅恭禋祀祇事上天永唯孝享式備吉蠲

外崇耆耄內睦親鄰歲時練續春秋醴飢葢接是恤痾

察斯痊問閭外戶馬牛內廐畎畝相移康莊交讓勿用

袍鼓無虞亭障資納鮫人朔班狼望至誠感慶休氣致

祥馴擾一角棲集五章華平挺幹朱草曜芳良邦爰爰

多稔穰穰國儲億庾家登萬箱旌彼髦彥仗任忠力光

被心替列居捩棘如砥之平如矢之直淑慎微務精明

品式菁菁者義茂茂彼城修容禮闈翔書圖談極五  
際說慕三古香眇義窟恢台學府儒墨兼陳申韓迭去  
豈資伯亮卑勞封鉅德音高朗然言昭普黃竹麗章柏  
梁清引沈滂滄雅非疏通敏迅抽演闢文網羅遺韻甄登  
奧室罕窺墻切妙心洞達神筆允從磔砢新勢奮於奇  
鋒珪琰鈎腕霧散煙濃竦同企鶴蔚若據龍豈唯於越  
信乃過鍾道惟天縱藝兼人衍用而不知速而不疾至  
德無象徽言罕送玉裕桂宮金植蘭室禮極敬愛行歸  
忠一天下文明日月貞觀百神受職三靈叶贊泰階既  
平光華常煥超軒跨吳騰周軼漢萬壽無疆永延遐筭

### 李百藥皇德頌

臣聞聖人與天地合其德與日月合其

萬以亭育總得一而為貞我所以誕膺明命大保鴻名  
又曰惟皇唐之獨運冠風聲之往初練五氣於圓蓋張  
四極於方輿定羣雄之逐鹿極方割之為魚在炎靈之  
交喪屬皇輿之敗德降薦瘡於上立忠叱咤於中國無

小無大圖帝國王匹夫匹婦為姦為賊舉率土而成棄  
雖同舟而作惡彼獨夫之肆志何汨典而亂常固違道  
而滅德竇罔念而作狂始結怨於庶黎終自絕於彼蒼  
八荒九有山清川竭天軸且迴地維將絕文章咸盪風  
雅咸缺在忠良而必焚棄冠冕而同裂或滔天而嫁禍  
或觸山而作孽極殷區以陸沈盡漢塗而喋血天縱神  
武景屬上皇自白水而龍躍肇參墟而鳳翔在中塗而  
聽誦將再駕而翦商惟神幾之獨運乃撫翼而高驥命  
蒼兕而臨河曲殺黑龍而濟奠方指牧野而秦誓師鳴  
慘而侮亡又曰惟聖德之懷遠敷彛倫於絕漠在窮髮  
而畢寇伊左衽而俱削戎亭虛警守大荒之外地險悉  
平夷中州之軼合秦會而作貢極遐方而獻琛薦琛裘  
而委質候風海而歸心周八荒而率俾重九譯而相尋  
効後覩於昧谷維神屏於鄧林應咸池而率舞遊上苑  
而懷音竭寶用而成競罄虛心而畢舉乍鳴觀開時遊  
禁禦文表仁義聲諧律呂下神雀於帝臺導甘泉於神

渚龜書龍匣河洛將遊東鯉西鷄云亭戴竹其餘藏山  
祕澤之珍撫實排虛之侶俱叶契於圖牒差無得而稱  
序又曰昔天靈之八萬千歲姬周三十六王蓋歷數之  
眇小曾不足以掄揚惟聖朝之期運符上帝之會昌臣  
下拜而稽首獻福壽之無疆資

### 唐太宗頌

厥初造化人倫既興乃建

君長司牧黎蒸肇自爻畫爰代結繩軒昊既謝唐虞以  
升後隋德衷順時革命三季之末干戈是爭赫矣神武  
經期作聖下括九圍上齊七政業統文武勲邁高光何  
險不濟何患不攘士女胥悅籬厥立黃斯物之至昭于  
我王我王覆育資生懷造配堯登唐方周在鷄翁受敷  
施明徵定保允迪厥德惟清帝道欽明天下和平  
三時不害百穀以成我庾斯積如坻如京既富而教訟  
息刑清明明天子令聞不已百姓為心萬方在已家賴  
寬政朝稱多士齊一華戎混同書軌東池溟渤西苑囑  
丘八靈職貢六狄懷柔至德潛洽立化滂流日慎一日

雖休勿休先天不違靈物效質丹羽儀韶翠黃承鸞甘  
露零草祥風應律嘉禾醴泉此焉自出符瑞見兮煥圖

書壇場設兮望鑿與至人志已體冲虛凝神姑射厥宸  
居厭宸居叶冥契龍駕升兮逸遊逝垂玄範兮光來裔

與玄象兮長昭晰飛英聲兮  
越三代永錫祚兮億億載  
**讚唐睿宗漢高祖讚**  
天造草昧

雄圖糾紛赫赫漢祖應若興雲秦原  
鹿喪沛澤蛇分大風一起南面稱君  
又**晉宣帝讚**  
仲達猜忌

狼顧為人稱疾迷謬形神不親辛毗  
仗節蜀將貽巾委質北面終為魏臣  
又**梁武帝讚**  
編惟梁武

九五居尊何為自屈沈冥釋門災興  
佛寺兵纏帝闕竟罹凶逼天道寧論  
**晉摯虞庖犧讚**  
昔在

上古惟德居位庖犧作王世尚醇懿設  
卦分象開物紀類施罟設網人用不匱  
**晉王彪之伏犧**

**讚**  
悠悠皇犧體寂神澄無為而化出道之凝  
不知有之冥慮自興因應之跡畫象結繩  
**摯虞神農**



讚

神農居世通變該極民衆獸麩乃教稼穡聚貨交市草木播植務濟其本不通其飾

晉曹毗黃

帝讚

軒轅應立期幼能總百神體鍊五靈妙氣含雲露津摻石曾城岫鑄禹荆湖瀆路馬天扉聞飄然跨

騰鱗儀響灑長風褰衣躡紫宸

摯虞黃帝讚

黃帝在位寶號軒轅車以行陸舟以濟川弧矢之利

弭難消患垂衣而治萬國乂安

唐堯讚

唐帝放勳欽明文思惟天為大惟堯則之魏魏蕩蕩萬邦雍熙

夏禹讚

決隄疏河刊山敷土四隩既宅

殷湯讚

睿哲惟

成湯三五迭興舍帝稱王

周文王讚

周文翼儀刑體教上帝是臨神明是勞東鄰之昏西鄰之曜

九有既集以聖易暴

周武王讚

於皇武王天命是鍾七德既耀莫不率從奄清宇宙盪商之蹤

唐

宣王讚

宣王承衰邦家多阻懲難思理官人以叙山甫補闕方叔禦侮是用中興恢復周宇

漢高

**祖讚**

漢祖明達兼咨權武總御羣雄翦翕強楚奄正華夏經畧區宇遂登天位繼堯之緒

**漢惠帝**

**讚**

孝惠內修親親外禮宰相優寵齊悼趙隱恩敬篤矣聞叔孫通之諫則色瞿然納曹相國之對而心大悅

可謂寬仁之主遭呂太后虧損至德悲夫

**漢文帝讚**

漢之光大實惟孝文帝仁尚儉克己為君按轡

細柳抑尊成軍營北南原陵不崇墳

**述漢書高祖述**

皇矣漢祖纂堯之緒實天生德聰明神武

秦人不綱網漏于楚爰茲發跡斷蛇奮旅神母告符朱旗乃舉粵蹈秦郊嬰來稽首草命創制三章是紀

**文**

**帝述**

太祖穆穆允恭玄默化民以躬帥下以德我教如風民應如草國富刑清登我漢道

**景帝述**

孝景莅政諸侯放命克伐七國王室以定元帝述

孝元翼

非怠非荒務在農桑著於甲令民用寧康高明柔克尊禮故老優游亮直外割禁園內損御服離宮不衛山陵不邑奄尹之訾穢我明德**成帝述**

孝成煌煌臨朝有光威儀之盛如珪如璋  
壺闈恣趙朝政在王炎炎燎火亦允不揚  
平帝述 孝平不造

新都作宰不伊論唐太宗晉武帝紀論  
武皇承基誕膺天命握圖御寓

敷化宏道是以佚道代勞以治易亂絕縑綸之貢去雕  
琢之飾制奢俗以變儉約澆風而反淳雅好直言留心  
採擢劉毅裴楷以質直見容嵇紹許奇雖仇讐而不棄  
仁以御物寬而得衆宏略大度有帝王之量馬于時民  
和俗靜家給民足聿修武用思啟封疆決神算於深表  
斷雄圖於議表馬隆西伐王濬南征師不延時儻虜削  
跡兵無血刃揚越為墟通近代之不通服前王之不服  
禎祥顯應風教肅清天地之功成矣霸王之業大矣雖  
登封之禮讓而不為驕泰之心因斯以起見土地之廣  
謂萬葉而無虞觀天下之安謂千年而永治不知處廣  
以思狹則廣可長存居治而忘危則治無常治加之建  
立非所委寄失才志欲就于升平行先迎於禍亂是猶

將適越者指沙漠而違途欲登山者涉舟航而覓路所  
趣逾遠所向轉難南北倍殊高下相反求其至也不亦  
難乎况以新習易動之基而無久安難拔之慮故賈充  
凶豎懷奸志而擁權揚駿豺狼包禍心以專輔遂至宮  
車晚出諒闇未周藩翰變親以成疎連兵竟滅其本棟  
梁迴忠而起偽擁衆各舉其威曾未數年綱紀大亂以  
至海內板蕩宗廟播遷帝道王猷反居文身之俗神州  
赤縣翻成被髮之鄉棄所大以資人掩其小而自託為  
天下笑此其故何哉良由失慎於前所以貽患於後且  
知子者賢父知臣者明君子不肖則家亡臣不忠則國  
亂亂國不可以安也亡家不可以全也是以君子防其  
始聖人閑其端而世祖惑荀勗之奸謀逮王渾之偽策  
心屢移於衆口事不定於已圖元海當除而不除卒令  
擾亂區夏惠帝可廢而不廢終使傾覆洪基夫全一人  
者德之輕極天下者功之重棄一子者思之小安社稷  
者孝之大况子資二世而成業延三孽以喪之所謂取

輕德而捨重功畏小忌而忘大孝聖賢之道豈若斯乎  
雖則善始於初而鮮令終於末所以殷勤史策不能無

慷慨

### 又隋高祖論

夫帝王受命非因衆人所舉既乘便  
之取不同優劣之勢各異或雄圖內

斷英謀外決海納山容如覆如載磊磊落落真帝王者  
也只如文皇起自布衣臨馭四海散孤兒以致天下奪  
寡婦而登神器復留心萬姓務從儉約自金陵滅後奢  
泰日滋起仁壽於五柞移新都於瀟岸合浦珠璣填於  
芾藏江南姬媿納於椒掖仁壽之役萬姓力殫雕琢之  
功中民竭產從渭至瀟寧不為勞移故就新理多其弊  
心隨地廣意逐時驕猜忌無端觸在多諱文母夷戮兒  
母被誅北難晨鳴皇枝勦絕廢長立少付託夫人功臣  
良將誅夷備盡享  
年不永豈非天乎  
**後漢班叔皮王命論**  
曰咨爾舜禹暨  
于稷契咸佐唐虞光濟四海奕世載德至于湯武而有  
天下雖其遭遇異時禪代不同至于應天順人其揆一

馬是故劉氏承堯之祚氏族之世著于春秋唐據火德而漢紹之始起沛澤則神母夜號以彰赤帝之符由是言之帝王之祚必有明聖顯懿之德豐功厚利積累之業然後精誠通于神明流澤加於生民故能為鬼神所福饗天下所歸往未見運世無本功德不紀而得倜然在此位者也世俗見高祖興於布衣不達其故以為適遭暴亂得奮其劍遊說之士至比天下逐鹿幸捷而得之不知神器有命不可智力求悲夫此世之多亂臣賊子者也若然者豈徒闇於天道哉又不觀於人事矣夫餓饉流隸饑寒道路思有短褐之襲據石之蓄所願不過一金終於轉死溝壑何則貧窮亦有命也况乎天子之貴四海之富神明之祚可得而妄處哉

晉干

寶晉武草命論

史臣曰帝王之興必俟天命苟有代謝非人事也文質異時興建不同故古之

有天下者柏皇粟陸以前為而不有應而不求執大象也鴻荒世及以一民也堯舜內禪體文德也漢魏外禪

順大名也。湯武革命，應天人也。高光爭伐，定功業也。各因其運而得天下，隨時之義大矣哉。古者敬其事則命以始也。今帝王受命而用其終，豈人事乎？其天意乎？又晉紀總論：史臣曰：昔高祖碩量應運而仕，值魏太祖創基之初，籌畫軍國，嘉謀屢中，遂服輿軫，驅馳三世，性深奧，有如城府，而能寬綽，以容納。行任數以御物，而知人善采，拔故賢，愚咸懷。小大畢力，爾乃取鄧艾於農隙，引周秦於行役，委以文武，各善其事，故能西擒孟達，東舉公孫淵，內夷曹爽，外襲王陵，神略獨斷，征伐四克。維御羣后，大權在己，屢拒諸葛亮節制之兵，而東支吳人，輔車之勢。軍旅屢動，邊鄙無虧。於是百姓與能，大象始構矣。世宗承基，太祖繼業。元豐亂內，欽誕寇外，潛謀雖密，而在機必兆。淮浦再擾，而許洛不震。咸黜異，罔用光前烈。然後推轂鍾鄧，長驅庸蜀。三闕電掃，劉禪入臣。天符人事，於是信矣。始當非常之禮，終受備物之錫。名器崇於周公，權制嚴於伊尹。至

於世祖遊享皇極正位居體重言慎法仁以厚下儉以足用和而不弛寬而能斷故民詠惟新四海悅勸矣

### 祭文唐太宗祭魏太祖文

夫大德曰生資二儀以成化大寶曰位應五運而遞昌貴

賤廢興莫非天命故龍顏日角顯帝王之符電影虹光表乾坤之瑞不可以智競不可以力爭昔漢室豆分羣

雄岳立夫民離政亂安之者哲人德喪時危定之者賢輔伊尹之臣殷室王道昏而復明霍光之佐漢朝皇綱

否而還泰立忠履節爰在於斯帝以雄武之姿當艱難之運棟梁之任同乎曩時匡正之功異于往代觀沈溺

而不拯視顛覆而不持垂徇國之情有無君之跡既而三分肇慶黃星之應久彰主卜啟期真人之運斯屬其

天意也豈人事乎 **陳沈炯祭漢武帝陵文** 臣聞喬山雖掩鼎湖之靈可祠有魯遂荒

大庭之跡不泯伏惟陛下降德猗蘭纂靈豐谷漢道既登神仙可望射之罘於海浦禮日觀而稱功橫中流於



汾河指柏梁而高宴何其甚樂豈不然歟既而運屬上  
仙道窮晏駕翠幕珠簾一朝零落茂陵玉碗遂出人間  
陵雲故基與原田而騰騰扶風餘跡帶陵阜而茫茫羈  
旅纓臣豈不落淚昔者承明見罷嚴助東歸駟馬可乘  
長卿西返恭聞故實竊有愚衷黍稷非馨敢望徽福爵  
臺之心空愴魏君雍丘之祠未光夏后瞻仰徽猷伏增  
懼悽

初學記卷九

謹案卷九第九頁前四行貞定王二十七元王二  
十八案淵鑑類函作元王二十七貞定王二十  
八為是附識



欽定四庫全書

初學記卷十

唐 徐堅 撰

中宮部

儲宮部

帝戚部

皇后第一

叙事

白虎通云天子之配謂之后后者君也天

子之配至尊故謂后也案夏殷已前后妃之制其文略

矣大率皆稱妃故黃帝有四妃帝嚳四妃正嫡曰元妃已下稱次妃

後若禹妃湯妃皆是也並出史記周則天子立后正嫡曰王后秦稱皇

帝正嫡曰皇后漢因之帝祖母稱太皇太后母稱皇太

后魏晉之後母后之號並遵秦漢其餘嬪御代有沿革

矣

出漢官及齊職儀

事對璇宮

玉堂

拾遺記曰帝少昊以金德王母曰星城處璇宮

三輔黃圖有玉堂殿侯瑾述志詩曰嫫母升玉堂

金屋

瑤齋

漢武帝故事曰帝為膠東王年

數歲長公主指問曰兒欲得婦不曰欲得指女阿嬌好不笑曰若得阿嬌當作金屋貯之張華晉武皇后哀策

文曰瑤齋無主長去杰嘗追懷永悼率土推傷

椒房

蘭殿

班固西都賦曰後宮則掖庭椒房后

妃之室漢官云皇后稱椒房詩云椒聊之實蕃衍盈升國  
人美其繁以爲興又以椒塗官室亦取其溫暖辟惡氣  
漢武帝故事曰孝景王后夢日入其懷  
以乙酉年七月七日生武帝於猗蘭殿  
王階金妃  
侯  
玄

墀彤庭

班固西都賦曰後宮則掖庭椒房后妃之室合  
椒層城安處常寧莊若椒風披香發越蘭林蕙

草鶯鶯飛翔之列於是玄墀鈿砌玉階彤庭輝輝已上皇后居處  
賦曰後宮則有金妃玉階彤庭輝輝已上皇后居處

珠珥金環

續漢書曰皇太后皇后入太廟服紺上阜  
下蠶青上縹下隱替珥耳璫垂珠也俗說

曰晉哀帝王皇后有紫磨金  
指環至小正可第五指著  
禕衣  
駝馬  
周禮內司服  
掌禕衣褕狄

闕狄鞠衣展衣祿衣禕音火韋反漢魏故事后親蠶禮  
皇后著十二笄步搖乘畫雲母安車駕六駝馬駝京娟

反玳瑁簪

珊瑚玦

續漢書曰皇后太后簪以玳瑁長  
一尺端爲花勝左右各一橫簪之

西京雜記曰趙飛鸞爲皇后女弟上珊瑚玦九華扇五色環西京雜記曰趙飛鸞爲皇

后其女弟昭儀遺雲母扇五明扇九華扇翠羽扇又曰趙皇后女弟上五色文玉環脂澤田湯

沐邑晉氏要事曰安帝九年右丞張項監議瑯邪及湖

儀曰皇后太后各食三十縣曰湯沐邑玉璽金鈕金根玉輅漢舊儀曰

文興帝同皇后玉璽金螭虎鈕董巴輿服志曰太后太皇太后皇后法駕六御金根車玉輅輦已上皇后章服

流虹繞電河圖曰帝摯少昊氏母曰女節見大星如

帝王世紀曰黃帝有熊氏少典之子母曰附寶見大電光繞北斗樞星照郊野感而孕二十月生黃帝於壽丘

玄雲入戶黃氣滿室易坤靈圖曰其母萌之玄雲入戶蛟龍守門鄭玄注曰謂慶都



天皇之女天帝以玄雲覆衛王沈魏書曰卞皇后以漢  
延熹二年生齊郡白亭有黃氣滿室移日父敬侯怪之

以問卜者卜者方口美髮日角偃月東觀漢記曰明  
曰此吉祥也

后長七尺二寸青白色方口美髮又順烈梁皇后傳曰  
永建三年春三月丙申選入掖庭相工茅通見之矍然

驚駭却再拜賀曰此謂日角偃月相之極貴臣所未嘗見也  
鸞銜石字人覆玉衣

西京雜記曰元后在家嘗有白鸞銜白石墜后續筐中  
后取之自剖爲二其文曰母天地魏書曰文昭甄后以

漢光和五年十二月丁酉生每寢寐家中髣髴見  
如有人持玉衣覆其上父常怪之已上皇后奇相周配

虞賓魏收後魏書曰古先哲王莫不明后妃之制順  
天地之德故二妃嬪媿虞道克昌任姒配周周

室用光尚書曰有鯀在下曰虞舜帝曰我其試哉  
女子時觀厥刑于二女釐降二女子于媿汭嬪于虞翼夏

與媯

謝承三夫人歲曰降暨三代創業之君亦賴賢妃用佐厥勳塗山翼夏有莘贊殷後漢皇甫規

女師箴曰關雎首化萬國承流實有淑女允作好仇唐媛與媯文母威周德音不回弘濟大繇大帝之

女 倪天之妹

宋書符瑞志云堯母慶都蓋大帝之女生於斗維之野常在三河之南天偶大

雷電有血流潤大石之中生慶都毛詩大明篇云大邦有子倪天之妹毛萇注云倪聲也盡也文王以太姒爲賢問名還卜之旣吉盡禮尊敬之如天之有女弟倪口見反 思齊大任 思媚周姜

毛詩思齊篇云思齊大任文王之母思媚周姜京室之婦毛萇傳曰齊莊也媚愛也周姜太姜也常思莊敬太

任乃爲文王之母又常思愛太姜之配太王之禮故能爲京室之婦言其德行純備故生聖子已上賢皇后

織室

桑壇

東觀漢記曰明德馬皇后置織室蠶宮於濯龍中數往來觀視之晉元康儀曰皇后

採桑壇在  
舊宮西南  
分絲  
獻繭  
蔡邕月令章句曰季春之月后  
妃齋戒親東向躬桑蠶事既畢

分繭稱絲禮記曰孟夏之月  
蠶事既畢后妃獻繭于天子  
中饋  
內則  
易曰无攸遂  
在中饋女史

歲曰施衿結禱虔恭中饋謂祭祀飲食之務禮記有內  
則篇顏峻皇后廟登歌曰載我聖文奄有四海外刑家

邦內  
胎  
統六宮  
率八妾  
魏志曰文德郭皇后將登位  
中郎校裴潛上疏曰在昔帝

王之有天下不惟外輔亦有內助是以聖哲預立元妃  
必取先代名族之家擇其令淑以統六宮東觀漢記曰

永平三年有司奏請明德馬皇后立長秋宮以率八妾  
上未有所言皇太后曰馬貴人德冠後宮遂登至尊

日之有月  
天之有地  
魏名臣奏曰臣聞帝之有后猶  
日之有月也盧植奏事曰后妃

者所以郊天祀地祇奉祖宗外以肅恭明神內以帥正  
九嬪理陰陽者猶天之有地陽之有陰已上皇后內職

習詩易

好黃老

續漢書曰明德馬皇后誦易經詩論語略記大義漢書曰竇皇后景帝母

也好黃帝老子之言景帝及諸

修母道

聽女順禮記

竇不得不讀老子皆遵其術

修女順母道也鄭玄曰母者施陰教於婦也又曰天子聽男教后聽女順天子治陽道后治陰德天子聽外治

后聽衣不擇米食不求甘續漢書曰和熹鄧后傳曰

飾極靡麗之服而后獨澹然衣不擇米裝不務飾東觀漢記曰明德馬皇后傳曰太后詔曰吾萬乘之主身衣大練練裙食不求所甘左

右傍人皆無薰香之飾外抑宗族內無忌刻續漢書云

考和鄧后性謹慎兄弟中外皆先帝所寵自攝政之後內檢左右外抑宗族又云順烈梁后立順帝崩冲帝在

祗祿太后攝政初章德竇后嫉害恭懷皇后獨生聖嗣陷以非辜家屬坐徙九真章德后之徙父昆弟章女為

貴人與太后並寵章致大位大鴻臚及上晏駕后登至尊尊章惶怖太后內無忌刻之心遂不以舊惡介意不

喜觀游

不好戲弄

東觀漢記曰明德馬皇后不喜出入游觀希常臨御觀望魏志曰文

昭甄皇后自少至長不好戲弄年八歲外有立騎戲馬者家人諸妙皆上闕觀之后獨不行諸妙問之答言豈

女人之所觀也

不尚華麗

不好音樂

王沈魏書曰武宣下皇后性儉約不高華麗無

文繡珠玉又曰文德郭皇后性儉約不好音樂常慕明德馬皇后之爲人已上皇后才能詩晉張華

中宮歌詩

先王統大業立化漸八維儀刑乎萬邦內訓崇宮闈皇英垂帝典大雅詠三妃含章體柔

順率禮蹈謙祇姦斯弘慈惠樛木逮幽微徽音穆清風高義邈不追貴榮恭日月舉世仰餘輝晉成公

綏中宮詩

天地不獨立造化由陰陽乾坤垂覆載日月曜重光理國先家道立教起閨房二妃濟有

虞三母翊周王塗山興大禹有莘佐成湯齊晉  
霸諸侯皆賴姬與姜關雎思賢妃此言安可忘  
頌魏曹

植母儀頌殷湯今妃有莘之女仁教內修度義以處  
清謚後宮九嬪有序伊為滕臣遂作元輔又

賢明頌於鏐姜后光配周宣非義不動非禮不言讚曹  
晏起失朝永巷告愆王用勤政萬國以虔讚曹

植姜嫄簡狄讚嘗有四妃子皆為王帝學早崩克承大  
綱玄鳥大跡殷周美祥稷契既生功顯

虞又禹妻讚禹妻塗山土功是急惟啟之生過門不入  
嬌達明義勲庸是執成長聖嗣天祿以襲

晉左貴嬪舜二妃讚妙矣二妃體應靈符奉嬪于媯光  
此有虞沈湘示教靈德永敷惟斯

善美諒  
無泯乎章梁江淹為建平王慶皇后正位章伏承以嘉  
月惠時膺

曜宸正輦珩昭品綸組在飾休編函夏譽殷靈味伏惟  
岳曜靜德式懷謙順升降圖傳左右詩史風鏡茂資早

擣芳訓衍教紫庭麗軌華  
後魏温子昇魏帝納皇后羣  
生聲激綺組風偃家邦

臣上禮章

臣聞軒轅乃神西陵以之作合夏后至聖塗  
山於是來嬪伏惟陛下龍飛蟠極大明理運

長杖既建陰教有主景命無窮  
論宋范曄皇后紀論夫  
皇圖長固普天之下莫不欣躍

周禮后妃正位宮闈同體天王夫人坐論婦禮九嬪掌  
教四德世婦主知喪祭賓客女御序于王之燕寢設官

分務各有典司女史彤管記功書過居有保阿之訓動  
有環珮之響進賢才以輔佐君子哀窈窕而不淫其色

所以能宣述陰化修成內則秦并取天下多自驕大官  
備七國爵列八品漢興因循而婦制莫隆高祖惟薄不

修孝文衽席無辨然選納尚簡飾玩少華自武元之後  
世增滛費至乃掖延三千增級十四及光武中興斷彫

爲朴六宮稱號唯皇后貴人又置美人宮人采女三等  
明帝聿遵先旨宮教頗修登建嬪后必先令德內無出

聞之言權無私溺之授可謂矯其弊矣孝章以下漸用色授恩崇好合遂忘淄蠹自古雖主幼時艱王家多繫必委成家宰未有專任婦人斷割重器唯秦芊太后始攝政事故穰侯權重於昭王家富於嬴國漢仍其謬知患莫改東京皇統屢絕權歸女主外立者四帝臨朝者六后莫不定策帷帟委事父兄貪孩童以久其政抑明賢以專其威任重道悠利深禍速身犯霧露於雲臺之上家嬰縲紲於囹圄之下湮滅連踵傾軛繼路而赴蹈不息焦爛爲期終乃陵夷大運淪

文齊謝朓敬皇后哀冊

文曰

翠帟舒阜玄堂啓扉姐徽三獻筵卷六衣懷蠶衛以延首想鷲輅而撫心痛椒塗之先廓哀長信之

莫臨身隔兩赴時無二展旋詔左言先數聖善其辭曰帝唐遠胄御龍遙緒在秦作劉在漢開楚肇惟淑聖克柔克令清漢表靈曾沙膺慶岌定厥祥徽音允穆光華沼沚榮曜中谷敬始絃經教先種稔睿問川流神襟蘭



郁先德韜光君道方被輔佐求賢在謁無諛顧史弘式  
陳詩展義厚下曰仁藏往伊智十亂斯俟四教周武思  
媚諸姑貽我嬪則化自公宮遠被南國軒曜懷光素舒  
佇德閔子不祐慈訓早違方年冲蕝懷袖靡依家臻寶  
業身嗣昌暉壽宮寂遠清廟虛歸帝遷明命人神胥悅  
乾景外臨陰儀內缺空悲故劍徒嗟金穴璋璣奚獻禱  
綸因設馮相告稷宸駕長往貽厥遠圖末命是獎懷豐  
沛之網繆背神京之弘故陋蒼梧之不從兮遵鮒隅以  
同壤陳象設於園寢兮映輿毀於松楸望承明而不入  
兮度清洛而南遊繼池綉於通軌兮接龍帷於造舟迴  
塘寂其已暮兮東川澹而不流藉闕宮之遠烈聞纒女  
之遐慶慕方纏於賜衣悲日隆於撫鏡思寒泉之罔極  
託彤管於遺  
詠嗚呼哀哉

妃嬪第二事周禮天子后立六宮三夫人九嬪二十七

世婦八十一御妻以聽天下之內治以明章婦順故天

下內和而家理

鄭注云六宮者前一宮後五宮也五者后一宮三夫人一宮九嬪一宮二十七

世婦一宮八十一御妻一宮凡百二十人后正位宮闈體同天王夫人坐論婦禮九嬪掌教四德世婦主知喪

祭賓客女御序王之燕寢漢因秦制正嫡曰皇后其餘內職有夫人

美人良人八子七子長使少使之號武帝加婕妤嬪五形

反娥俗華充依元帝加昭儀又有五官順常無涓共和

娛靈保林良使夜者之職出漢書外戚傳光武中興並省前制

正嫡之外唯立貴人美人采女之號出范曄後漢書魏武帝因

西漢置夫人昭儀婕妤容華美人文帝增貴嬪淑媛修

容順成良人明帝增淑妃昭華修儀

出魏志

晉武採漢魏

之號以擬周之六宮置貴嬪夫人貴人是爲三夫人淑

妃淑媛淑儀修容修華修儀婕妤容華充華是爲九嬪

又置美人才人中才人以爲散職

出臧榮緒晉書

宋齊之後大

抵多依晉制其間增損因革或小異焉

宋書曰孝武帝省晉氏夫人修

華修儀增置貴妃與貴嬪貴人爲三夫人置昭儀昭容

昭華以代修華修容爲九嬪明帝又省貴人置貴姬以

備三夫人增置淑容與古淑媛淑儀昭華昭儀昭容修

華修容修儀爲九嬪又增置承徽列榮與古婕妤容華

充華凡五職班亞九嬪以美人才人良人爲散職齊書  
云高帝以貴嬪夫人貴人爲三夫人修華修儀修容淑  
妃淑媛淑儀婕妤好容華充華爲九嬪之數梁書云梁氏  
一遵齊舊陳氏之初亦無改作至文帝以貴嬪貴姬貴  
妃爲三夫人以淑媛淑儀淑容昭華昭容昭儀修華修  
容修儀爲九嬪以婕妤好容華充華承徽列榮五職亞於  
九嬪以美人才人良人爲散職後魏書云大武始立昭  
儀貴人之號孝文立左右昭儀視大司馬三夫人視三  
公三嬪視三卿六嬪視六卿世婦視中大夫女御視元  
士北齊書曰文宣雖有夫人嬪御之稱未有員數武成  
依古制有三夫人九嬪二十七世婦八十一御妻置左  
右昭儀比丞相立弘德正德崇德夫人比三公光猷昭  
訓崇徽上嬪比三卿宣猷凝輝宣明順華凝華光訓下  
嬪比六卿世婦比三品御女比五品亦並採擇嘉名爲  
其題目自外又置才人綵女以爲散號後主又置娥英  
淑妃之職隋書云高祖依周禮有減其數嬪三員世婦

九員御女三十八員初獨孤后妬不設三夫人防其上  
逼自嬪已下唯置六十員后崩置貴人三員增嬪至九

員世婦二十七員御女八十一員場帝置貴妃淑妃德  
妃爲三夫人順儀順容順華修儀修華修容充儀充容

充華爲九嬪婕妤十二員美人才人十五員爲世婦寶  
林二十四員御女二十四員練女三十二員爲女御總

一百二十員又有承衣刀  
人皆趨侍左右並無員數  
事對論禮  
明順周禮鄭玄注曰古者

三夫人之於后猶三公之於王坐  
而論婦禮無官職矣明順見故事  
禴翟  
弓鞞禮記曰王后禱

衣夫人禴翟禴音余蔡邕月令章句曰仲春之月玄鳥  
至之日以太牢祠于高禘高禘祈子之祀也后妃將嬪

御皆會于高禘以祈孕姓乃醴天子所御帶以弓鞞天  
子所御謂后妃已下至御妾孕姓有萌牙者也鞞弓衣

飲以醴酒帶以弓矢于高禘之  
前弓矢者男子之事也鞞音獨  
贊盥敦  
載筐鉤周禮曰凡

祭祀九嬪贊玉蠶王敦后薦徹豆遵鄭注云玉蠶王敦黍稷之器蠶音資敦音對漢魏故事后親蠶禮皇后著

十二筭步搖乘雲母安車駕六駝馬三夫教九御綵人九嬪世婦各戴筐鉤從皇后蠶于嘉桑教九御綵

三盆周禮曰九嬪掌婦學之法以教九御婦德婦言婦容婦功各率其屬而時御教于王所又曰九嬪以

婦職之法教九御禮記曰世婦卒蠶獻繭于夫人夫人受之親繰三盆手朱絲之玄黃之以為黼黻文章君服

以祀先王先餘三星因八月史記云中宮天極星後公敬之至也

三星後宮之屬後漢書曰漢法常因八月算民遣中大夫與掖庭丞及相工於洛陽鄉中閱視良家童女合法

相者載還後宮擇取長白合法相臧榮緒晉書曰武視可否乃用登御取長白合法相帝泰始中大採擇

公卿子女以充六宮使楊后簡選后妬不取端正妙好唯取長白肥大貌粗舉則取合法相已見因八月注

視卿比侯

銀印瓊珮

後漢書曰：婕妤視上，卿比列侯。晉服制曰：婕妤銀印青綬，佩采。

玉雀釵

象簾

晉起居注曰：有司今月九日當拜鄭夫人。右婕妤案儀注：應服雀釵、袿、襜、西京。

雜記曰：武帝以象牙為簾，賜李夫人。

金環

玉簪

西京雜記曰：戚夫人以百鍊金為環，照見指。

上骨上惡之，以賜侍兒。鳴玉耀光等，各四枚。又曰：武帝過李夫人，就取玉簪搔頭，自此宮人搔頭皆用玉為之。

當熊

辭輦

漢書曰：孝元馮昭儀初為婕妤，好上。幸虎園，關獸熊逸出，園攀檻欲上。馮婕妤好直前當。

熊而立，上問何故。婕妤對曰：猛獸得人而止，妾恐熊至，御坐故身當之。又曰：考成班婕妤好，帝初即位，選入後宮。

成帝遊後庭，嘗欲與婕妤同輦。載婕妤好辭曰：觀古圖畫，賢聖之君皆有名臣在側，三代末主乃有嬖妾。今欲同。

輦，得毋近似乎。上善其言而止。

宴北園

迎西宮

魏志曰：明帝游後園，召才人已上，曲宴極。

樂明日帝見毛后曰昨宴北園樂乎明帝以左右洩之所殺十餘人王隱晉書曰初惠帝晚成武帝遣才人謝玖給惠帝因是有娠臨娶昭陽殿增成宮漢書曰孝妃遣致西宮遂生愍懷也昭陽殿增成宮成趙皇后

本長安宮人有女弟復召入為昭儀居昭陽殿姊弟專寵十餘年卒無子成帝崩帝素無疾民間歸罪於昭儀

昭儀自殺又曰孝成班婕妤好帝初即位選入後宮俄而大幸為婕妤好居增成宮再就館增成宮有男二並失之

一死陽祿舉酒祝傅低頭泣邢漢書曰孝元傅昭儀

官太后才人元帝進幸有寵改為昭儀為人有才略善事人至宮人飲酒酌地皆祝延之產平都公主及定陶

恭王史記曰漢武帝時尹夫人邢夫人同時並幸有詔不得相見尹夫人自請武帝願見邢夫人帝許之即令

他夫人飾從御者數十人來前尹夫人見曰非邢夫人帝曰何以知之對曰視其體貌形狀不足以富人主於是



有詔使邢夫人衣故衣獨身前尹夫人望見曰真是矣  
乃低頭俛而泣自痛其不如也諺曰美女入室惡女仇

之圖甘泉

葬雲陵

漢書曰孝武帝李夫人兄延年性  
知音善歌舞每為新聲延年侍上

起舞歌曰北方有佳人絕世而獨立一顧傾人城再顧  
傾人國豈不知傾城與傾國佳人難再得帝太息曰善

哉世豈有此人乎平陽主因言延年有女弟上召見之  
竇妙麗善舞由是幸生一男是為昌邑哀王李夫人少

而早卒上憐愍圖畫其形於甘泉宮漢武帝故事曰拳  
夫人從上至甘泉而卒葬雲陵上哀悼為起通靈臺常

有一青鳥集臺上至宣帝武漢武帝李夫人賦美連娟  
以修嫵

時乃止拳夫人即昭帝母賦漢武帝李夫人賦  
兮命勤絕而不長飾新宮以延佇兮恨不歸乎故鄉慘

鬱鬱其蕪穢兮處隍幽而懷傷釋輿馬於山椒兮奄脩  
夜之不陽秋氣潛以淒承祖  
淚兮桂枝落而消亡

成帝班婕妤自傷悼賦

承祖

遺德兮何性命之淑靈登薄軀於宮闕兮充下陳於後  
度蒙聖主之渥惠兮當日月之盛明揚光烈之翕赫兮  
奉殊寵於增成既過幸於非位兮切庶幾乎嘉時每寤  
寐而太息兮申佩褱以自思陳女圖以鏡鑒兮顧女史  
而問詩悲晨婦之作戒兮哀褒閻之為郵美皇英之女  
虞兮榮任姒之母周雖愚陋之靡及兮敢舍心而忘茲  
歷年歲而悼懼兮閱蕃華之不滋痛陽祿與柘館兮仍  
襁褓而難災豈妾人之殃咎兮將天命之不可求奉供  
養于東宮兮託長信之末流共灑掃於帷幄兮永終死  
以爲期重曰潛玄宮兮幽以清應門閉兮禁闥局華殿  
塵兮玉堦落中庭萋兮綠艸生廣室陰兮帷幄暗房櫳  
虛兮風冷冷俯視兮丹墀思君兮履綦仰視兮雲屋雙  
涕兮讚曹植班婕妤好讚有德有言實惟班婕盈冲其驕  
橫流讚曹植班婕妤好讚窮其厭悅在夷貞艱在晉正接  
臨風端軒  
街霜振葉詔梁武帝立內職詔刑于垂訓周文所以表  
德壺闈失序漢武所以

喪邦並被諸方策式昭戒勸魏晉已來雖云簡薄而內  
職名號參差不同在宋泰始位置繁冗遂設官九品且  
擬外朝填委板掖徵費無已自此相仍踵以成舊昭陽  
九華千門萬戶朕受命自天期延七百思所以立防自  
通貽厥將來前代職品所宜  
章梁沈約爲六宮拜章  
因革外可詳議務令該允

非質嘉淑無算越自幽衡登軀宸漢依日月之華  
侍中從之末何以廁駕鸞之盛序奉屬車之清塵  
陳江

### 總爲陳六宮謝章

恭承禮命愧集丹縷之顏拜奉曲私  
愁縈翠羽之色魯宮夜火伯媛匪驚

楚榭奔濤貞姜何懼豈期日月騰影風雲瀉潤遂復位  
崇九御聲高六列象服增華丹輶耀采何以弼佐王風

克柔陰化兢惶並集追想流芬  
之詩荷遠相并遂失鳴環之節  
歲晉張華女史歲

茫茫元化

兩儀始分散氣流行旣陶旣甄在帝庖犧肇經天人爰  
始夫婦以及君臣家道以正王猷有倫婦德尚柔含章

貞吉婉孌淑慎正位居室典姬感莊不食鮮禽衛女矯桓耳忘知音志厲義高二主易心玄熊攀檻馮媛趨進夫豈無畏知死不恡班女有辭割歡同輦夫豈無懷防微慮遠人咸知飾其容而莫知飾其性性之不飾或愆禮正出其言善千里應之苟違斯義同衾亦疑懼不可以黷寵不可以專專實生慢愛極則逸致盈必損理固

有然冊文宋謝莊殷貴妃諡冊文

維年月日皇帝曰咨故淑儀殷氏惟爾含徽挺

茂爰光素里友琴流苻實華紫掖奉軒景以柔明登譽處椒風以婉孌升名幽閑之範日藹層闈繁祉之慶方崇蕃世而當春掩藻中波滅源朕用震悼傷于厥心松區已翦泉冥將隧宜有旌德第行式衍聲芳今遣某官集冊告諡曰宣魂而有靈尚茲寵渥嗚呼哀哉

皇太子第三

叙

韓詩外傳曰五帝官天下三王家天下

家以傳子官以傳賢故自唐虞已上經傳無太子稱號  
夏殷之王雖則傳嗣其文略矣至周始見文王世子之  
制白虎通曰何以知天子之子稱世子春秋傳曰王世  
子會于首止是也何以知天子之子稱太子尚書曰太  
子發升于舟是也或云諸侯之子稱世子則春秋傳云  
晉有太子申生鄭有太子華齊有太子光由是觀之周  
制太子世子亦不定也漢制天子稱皇帝其嫡嗣稱皇  
太子諸侯王之嫡稱世子後代咸因之事對樹嫡立

長

晉起居注曰武帝太始三年有司奏正統立嫡詔曰統承大業懼未能光祖宗之遺德至於建嗣樹嫡非

所務也盧植奏事曰三后無子擇立長親年幼海少均以德德均決之以卜筮所以承先祖也

微

山海經曰無阜之山南望幼海郭璞注曰幼海即少海也荆州星占曰少微星一名處士星儲君副主之

宮黃離

蒼震

易曰黃離元吉注曰離南方之卦離為火土託位焉土色黃火之子喻子有

明德能附麗於其父之道順成其業故吉也又曰震為長子又曰震為蒼筤竹

天序

國貞

漢書

成帝詔曰定陶王欣慈仁孝順可以承天序繼祭祀執金吾任宏持節徵欣為皇太子禮記曰一人元良萬邦

以貞太子

儲貳

明兩

晉中興書曰安皇帝烈宗長子也冊為皇太子曰岐嶷表于載

誕克廣同乎大成是用命兩以登儲貳易曰明兩作離大人以繼明照于四方王肅注曰兩離相續明之義也

守祧

主器

易曰震驚百里驚遠而懼通也出可以守宗廟社稷以爲祭主也禮記曰遠廟爲祧

易曰主器莫若長子故受之以震

洊雷

重海

易曰洊雷震又曰震爲長子崔豹古今注曰漢

明帝爲太子樂人作歌詩四章以贊太子之盛德其四曰海重潤已上總載太子事

嶧山

伊水

山海經曰西北海之外有嶧山其上有人名曰太子長琴顛頊生老童老童生祝融祝融生長琴列仙傳曰王子晉好吹笙作鳳鳴伊洛之間

桂宮

蘭殿

漢書曰孝成皇帝元帝太

子也初居桂宮漢武故事曰武帝生倚蘭殿四歲立爲膠東王七歲立爲皇太子

青宮

玄圃

東方朔神異經曰東方東明山有宮青石爲牆面一門門有銀榜以青石碧鏤題云天地長男之宮潘尼詩序七月七日皇太子會於玄圃園有令賦詩

龍樓

雞戟

漢書曰孝成皇帝元帝太子也寬博謹慎

初居桂宮上嘗急召太子出龍樓門不敢絕馳道西直至城門得絕乃度張敞晉東宮舊事曰崇福門雞鳴戰

張博望 宣猷 漢書曰衛皇后生戾太子據上為立博望苑使通賓客潘尼皇太子集詩曰置

酒宣猷庭擊鐘靈沼濱雷 西池 東閣 徐爰釋問注曰恩洽明兩遭德會陽春 西明內有太子

池孫權子和所穿有土山臺晉帝在儲宮所築故俗呼太子池或曰西池魏文帝集曰為太子時北園及東閣

講堂並賦詩命王粲劉 崇賢 求福 陸士衡詩曰在晉楨阮瑀應瑒等同作 蒙嘉運矯迹入崇

賢假翼鳴佩條濯足升龍泉張敞東宮舊事曰中庶子四人為帷侍中若皇太子入宮與中書舍人各一人更

日直求 銀榜 銅扉 銀榜見上青宮注漢書曰考成皇福坊 帝元帝太子也初居桂宮上嘗急

召太子出龍樓門張晏注曰門樓上有銅 赤旄 黃麾 龍許慎說文曰扉戶也已上太子居處



張敞晉東宮舊事曰皇太子初拜有  
旄幢一又曰皇太子肉簿有黃麾  
鸞旌 象輅徐廣東宮

頌曰禮樂承軒輿冊授庭命服惟九龍旗鸞旌  
沈約宗書曰泰始三年制太子安車乘象輅  
花枕

畫輻

張敞晉東宮舊事曰皇太子有大漆枕銀花銀鈕  
自副續漢書曰皇太子安車朱輪青蓋畫輻文軸

五銅羊 金馬 張敞晉東宮舊事曰皇太子有銅水羊  
一枚管自副吳志曰孫登字子高權長

子魏皇初二年立為太子嘗失盛水  
金馬孟覺得主左右所為不忍致罰  
建九旗 舞六佾

張敞晉書東宮舊事曰皇太子初拜有石山安車一建  
九旗青色四馬又曰皇太子大小會庭設三廂樂舞六

佾 丹霞刀 彩虹劍 魏文帝與論曰惟建安二十四年  
二月丙午魏太子丕造刀三其二

日含章彩似丹霞又曰造百辟寶劍  
三其二曰流彩虹已上太子章服  
夏啟 周誦史記夏

禹東巡狩至于會稽而崩以天下授益益讓帝禹之子啟啓賢天下屬意焉諸侯皆去益而歸啟曰吾君帝禹

之子又曰周武王崩太子誦代立是爲成王周發漢莊尚書中候曰文王

太子王曰修我德遵德紀後恒稱太子范曄後漢書曰孝明皇帝諱莊光武第四子生而豐下十歲能通春秋

十九年立爲皇太子師魏丕晉紹魏志曰文帝諱丕事博士桓榮學尚書武帝太子也建安

十六年爲五官中郎將二十二年立爲魏太子丕貞固睿敏能鎮定大事何法盛晉中興書曰明帝諱紹字道

畿中宗踐阼尊號爲皇太子東宮敬禮賢士昵近明德已上太子位號四術三善禮記

正崇四術立四教順先王詩書禮樂以造士王太子王子羣后之太子卿大夫元士之適子國之俊選皆造焉

又曰世子齒於學故父在斯爲子君在斯爲臣居子與臣之節所以尊君親親也故學之爲父子焉學之爲君

臣馬學之爲長幼焉行一物  
而三善皆得者唯世子而已  
**玉裕** **金聲**  
陸士衡侍皇太子宣猷堂

詩曰茂德川沈天姿玉裕潘尼皇太子釋奠頌  
曰尊道讓齒降心下問饗以金聲光以玉潤  
**五稱**

**三至**

周書曰靈王太子幼而聰明晉平公使叔譽于周見太子晉與之言五稱而三窮禮記曰文王之爲

世子朝於王季日三雞初鳴而衣服至於寢門外問內豎之御者曰今日安否何如內豎曰安文王乃喜及日中又至亦如之及暮  
**漢幄** **周寢**  
范曄後漢書曰時天下壘田多不以實詔下州郡檢

覆其事帝見陳留吏牘上書云潁川弘農可問河南南陽不可問帝詰吏抵言於長壽街得之時明帝爲東海  
公年十二在幄後言曰吏受郡勅欲以壘田相妨耳帝曰何故言河南南陽不可問對曰河南帝城多近臣南  
陽帝鄉多近親田宅踰制不可爲  
**寢門** **馳道**  
寢門見准詰問如明帝對周寢見三至注  
寢門見三至注

漢書孝成皇帝元帝太子也宣帝愛之字曰太孫初居桂宮上嘗急召太子出龍樓門不敢絕馳道西至城門得絕乃度上以遲問其故以狀對

**嘗藥**

**省膳**

禮記曰太子朝

夕至于寢門外問於內豎曰今日安否何如若內豎言疾則太子親齋玄冠而養膳宰之饌必敬視之疾之藥

必親嘗之漢儀曰皇太子五日一至臺因坐東廂省視膳食

**齒胄**

**問豎**

禮記曰世子齒於學

國人觀之曰將君我而與我齒讓何也曰有父在則禮然又曰王太子王子羣后之太子卿大夫元士之適子

凡入學以齒問豎見三至注

**春誦夏絃**

**撫軍監國**

禮記曰凡學世子學士以時春

誦夏絃太師詔之左傳曰晉侯使太子申生伐東山臯落氏里克諫曰太子奉冢祀社稷之粢盛以朝夕視君

膳者也故曰冢子君行則守有守則從從曰撫軍守曰監國古之制也已上並是太子才德

**問杜**

禮荀

晉中興書曰杜夷字行齊爲儒林祭酒皇太子凡三至夷舍執經問義魏志曰文帝在東京太祖謂

曰荀公達人之師表汝當盡禮敬之攸曾病太子問病獨拜於牀下鄭書劉易漢書曰

立皇太子博士鄭寬以尚書授太子續漢書曰劉昆少學施氏易明帝爲太子以易入授下賦溫

歲

卞蘭讚太子賦曰切見所作典論及諸賦頌沉思泉涌華藻雲浮聽之忘味奉讀無倦晉中興書曰溫嶠

拜太子中庶子數規諫諷議又獻侍臣歲甚有補益二疏四皓漢書曰地節三年立皇太子疏

廣爲太傅凡子受爲少傅父子並爲師傅朝廷以爲榮在位五歲上疏乞骸骨上許之大夫故人祖道東都門

外道路觀者曰賢哉二大夫史記曰高祖欲易太子留侯諫不聽及讎置酒太子侍東園公角里先生綺里季

夏黃公從太子年皆八十餘鬚眉皓白上怪之四人前對各言姓名上大驚曰煩公等卒調護太子四友

六傳

吳志曰孫登字子高權稱尊號爲皇太子銓簡秀士以爲賓友諸葛恪爲左輔張休爲右弼顧

譚爲輔正陳表爲翼正都尉是爲四友晉公卿禮秩曰愍懷立東宮乃置六傳省尚書事始置詹事丞文書關

白以聞時稱太子六傳

師友

賓客

漢書曰疎廣字仲翁爲太子太傅太子外祖父平恩

侯許伯以太子幼使其弟舜監護太子家上問廣廣曰太子國儲副君師友必於天下英俊不宜獨親外家

又曰衛皇后生戾太子據及冠就居上爲立博望苑使通賓客西京雜記曰文帝爲太子立思賢苑以招賓客

端士正人

司過虧膳

大戴禮曰昔周成王幼在襁褓之中選天下孝悌博聞有道術

者以輔翼之使與太子居處出入故太子目見正事耳聞正言左右前後皆正人也又曰太子旣冠成人免於

保傅之嚴則有司過之史虧膳之宰太子有賦魏卞蘭過史必書其過而宰徹其膳已上太子輔翼賦魏卞蘭

贊述太子賦

明明太子既睿且聰博聞強記聖思無雙  
猗猗左右如虎如龍八俊在側傍無諛凶

富不忘施尊而益恭研精書籍留思異同建計立議廓  
然發蒙天下延頸歌頌德音聞之於古見之於今深不

可測高不可尋創詩梁劉孝威奉和太子詩太子天下  
本元良萬

法萬載垂此休風  
邦貞周朝推上嗣漢代紀重明前星涵瑞彩沔雷揚遠  
聲三善稱樂正百行紀司成九流通已辨七經咸所精

博聞強子政高才凌長卿禮尊逾屈巳德盛益卑情仙  
氣貽鍾相儒道推桓榮延賢博望苑視膳長安城園綺

隨金輅浮丘侍玉笙智囊前飲芴端士後垂纓九  
仙良所重四海更東傾班輸同策乘甲館齊蓬瀛  
徐陵

同江詹事登宮城南樓詩元良居上德率土被中孚漢  
帷朝無怠周門夕復趨桓經

既受業賀拜且尊儒壯志諧風雅高文會斗樞鏗鏘叶  
舞蹈炤爛等琨瑜河水慙雄伯漳川仰大巫鮑魚寧入

組釣驚匪充厨叔譽  
恒詞屈防年豈濫誅  
江總宴樂修堂應令詩  
肅城通甲  
觀承華啟

畫堂北宮降恩賞西園度羽觴殊私奉玉裕終宴在金  
房庭輝連樹彩簷影接雲光仙如伊水駕樂似洞庭張

彈絲命琴瑟吹竹動笙簧  
庸疎濫應阮衰朽惡連車  
唐虞世南追從鑿輿夕頓戲下

詩重輪依紫極前耀奉丹霄天經戀宸扈帝命扈仙鑣  
乘星開鶴禁帶月下虹橋銀書含曉色金輅轉晨飈

霧微軒營近塵暗斗城遙蓮花分秀萼竹箭下驚潮  
撫已慙龍幹承恩集鳳條瑤山盛風樂抽簡薦從謠褚

亮奉和禁苑餞別應令詩  
大藩初錫瑞出牧通皇京暫  
以綠車重言承朱邸榮舒桃

臨遠騎垂柳映軍營惠化宣千里威風動百城禁籞芳  
嘉節神襟餞送情金輅催別景玉管切離聲野花開更

落山鳥哢還驚微臣夙多幸薄宦奉儲明釣臺韓王元  
慙作賦伊水濫聞笙懷德良知久酬恩識命輕



嘉奉和周太子監守違戀詩

乾象開層構離明啟少陽  
卜征從獻告守器屬元良

邀矣凌周誦遙哉掩漢莊好士傾南洛多才盛北場地  
分丹鷲嶺途間白雲鄉儲城虔曉夕宸愛積炎涼珠璧

連霄漢萬物仰重光

薛元超和周太子監守違戀詩

儲禁銅扉啟宸行玉輶遙

空懷壽街吏尚隔寢門朝地首瞻龍戟塵外想鸞鑣飛  
文映仙榜濯思叶神飈帝念紆蒼陸乾文煥紫霄歸塘  
橫筆海平圃振詞條欲應重輪曲鏘洋韻九韶詔梁武帝立昭明太子詔

朕屬當期

運係迹前王所以長代流祚垂之萬葉百辟咸以元良  
之寄有國莫先自昔哲后降及近代莫不立儲樹嫡守  
器承祧及旁挹羣議遠惟七百建茲蒙稚仰副宗祏承  
華肇開崇賢克永無疆之慶非獨在余思霑渥澤被之

遐

又立晉安王爲太子詔

非至公無以王天下非博愛  
無以臨四海所以堯禪舜讓

惟德是與文王舍伯邑考而立武王格于上下光于四表今岱宗宰落天步艱難淳風猶鬱黎民未又自非克明克哲允文允武豈能荷神器之重嗣龍圖之尊晉安王綱德行內敏威惠外宣羣后歸美率土宅心可立綱爲皇太子庶百年勝殘方流餘慶必世後仁永固洪業

### 後魏溫子昇莊帝生皇太

子赦詔

有國三善事屬元良本枝百世義鍾繼體朕應天纂命握圖受籙景祚惟新卜年以永今月吉辰皇子誕育彩雲映日神光照殿方開博望將起龍樓遠近同歡人神共悅

### 表宋謝莊慶太

子元服上至尊表

伏惟皇太子殿下明兩承乾元良作貳抗法遷身英華自遠樂以修中禮

以治外三善克茂德成教尊今日吉辰昭加元服對靈祇之望儔上庠之歡率天罄世莫不載躍

### 慶太

子元服上太后表

離景永震樞光陪極毓問東華飛英上序樂正歌風司成頌德清明神鏡

溫文在躬練日簡辰昭備元  
服摠三王之教屬少海之重  
梁沈約爲太子謝初表臣實

蒙雅溫文以闕不闕三善之訓未習四學之儀雖問安  
內豎因心自發而視膳寢門未任再至乃降皇慈夙膺

盛典貳體宸極守器宗  
祧顧循幼志如臨冰壑  
簡文帝上昭明太子文集別

傳等表

若夫正少陽之位主承祧之則口實爲美唯稱  
啟誦自茲厥後罕或闕焉昭明太子稟仁聖之

資縱生知之量考敬兼極溫恭在躬明月西流幼有文  
章之敏羽箭東序長備元良之德非假二疎寧勞四皓

虎賁憑其經學智囊慙其調護豈止博望延賓壽春能  
賦問疑棗據書戒憑陵而已哉玉折何追星顏靡續地

尊號嗣外陽之術無徵位比周儲緱山之駕不返臣以  
不肖妄作明兩出入銅龍瞻仰故實思所揄揚盛軌宣

記德音謹撰昭明太子別傳文集請備  
之延閣藏諸廟內永彰茂實式表洪徽  
周王褒爲百僚

請立太子表

臣聞海雷居震春方應守器之禮明兩作離少陽纂重暉之業是以三善昭德載祀

之祚克昌一有元良國貞之圖永固至於軒轅得姓高陽才子上嗣佇賢前星虛位魯國公賚親居元子屬當儲貳具僚仰則列辟式瞻臣等恭議請立為皇太子事崇監撫教資審諭問安寢門視膳天幄 歲周王

襄太子箴

天生蒸民司牧斯樹咸熙庶績式昭王度粵若欽明丕承寶祚重紐地維再匡天步惠人

垂統元良繼體麗正離暉推微天啟令聞令望聞詩聞禮從曰撫軍守曰監國秋方通夢春官養德桓榮獻書苟攸觀則元子為士齒卿命秩昔在周漢親賢保弼朝服寢門迴車作室正陽居位喬枝父道臣子所崇忠孝為寶勿謂居尊禍福無門勿恃親賢王道無偏無為慮慮始為事先損之又損全之亦全無往不復無平不陂美疾甘言鮮不為累則哲惟艱知人未易居室為善分陰無棄亡保其存危安其位神聽不感天祐斯忌文昌

著於前星主鬯由於守  
器庶僚司箴敢告閭寺

太子妃第四事叙白虎通云妃者匹也妃匹者何謂也相

與偶焉古者天子後宮嫡庶皆曰妃史記曰黃帝有四妃帝嘗有四妃虞

舜有二妃周以天子之正嫡爲王后秦稱皇帝因稱皇后以

太子之正嫡稱妃漢因之漢書外戚傳云太子有妃有

良娣有孺子妻妾凡三等是也魏晉以後咸遵之焉事

對金璽 瑜珮沈約宋書曰皇太子妃金璽龜鈕練朱綬珮瑜玉又張敞晉東宮舊事曰皇太

子納妃織成龍枕 鳴燈晉東宮舊事曰皇太子納妃有漆龍頭支髻枕一銀花銀

鈕自副又曰皇太子納妃有金塗連盤鴨燈一

文履

花簾

晉東宮舊事曰太子納妃有絳地文

履一量又曰皇太子納妃有漆花簾二具龜鈕

雀鈿

龜鈕事見上金塗注東宮故事曰太子納

妃有同心雀鈿一具

袞帶

綺綬

袞帶見瑜佩注又曰皇太子納妃有絳地織成綺綬

車

九鈿函

晉東宮舊事曰皇太子納妃四望車羽葆前後部鼓吹各一部又曰步搖一具九鈿

函盛

冊命

筮吉

晉起居注曰元帝太興元年上臨軒使冊命拜晉王妃庾為皇太子妃沈

約宋書曰後廢帝仁皇后諱簡珪濟陽考城人北中郎長史智深孫女太始五年太宗采訪太子妃而后父祖

已亡弟又弱小門無強廢廕以卜筮最吉拜為皇太子妃

景殿

畫堂

漢書曰元帝為太子司馬

良娣死後太子悲恚發病宣帝令皇后擇後宮家人子可以娛侍太子者王禁女政君預焉時預擇者五人政

君獨衣絳緣諸子謂大掖衣也使侍送入太子宫見於丙  
殿得御幸有身立爲太子妃於甲館畫堂生子即成帝

也畫堂太子

稱萬歲有五可

漢書曰車騎將軍許嘉女選配太子上令中常

侍親送太子家還白太子歡悅狀元帝喜謂左右曰酌  
酒賀我左右皆稱萬歲太子立爲天子卽成帝也立妃

爲皇后王隱晉書曰武帝娶楊后生惠帝初爲太子謀  
婚久不決上欲娶衛瓘女楊后欲娶賈充女充妻郭酷

妬宿著上曰衛公女有五可賈公女有五不可衛家女  
種賢而多子端正而長白賈家女種妬而少子醜惡而

短黑郭氏使輸物楊后  
遂成納賈妃後亂晉國

司徒公女

新安主生

王隱晉書曰劉

曜王彌冠洛得將諸后妃去愍懷太子王妃拔刀向賊  
曰我司徒公女皇太子妃死則死終不爲賊婦賊乃害

之又曰安僖皇后王氏字神愛太常王獻之女新安公  
主生卽安帝姑也孝武帝以后少孤無兄弟故爲安帝

納爲太子妃孝武納采聘太子妃王氏百官朱  
服會於新安公主第祕書監王擢之爲主人詩唐胡元

範奉和太子納妃詩

帝子威儀絕儲妃禮慶優疊鼓陪仙  
觀凝笏翼畫輶鬱鬱神香滿奕奕彩

雲浮排空列錦蜀騰觀溢皇州金闈未息火玉樹鍾天  
愛月路飾還裝星津動歸佩紫極流宸渥清規佇慈誨

恩波洽九流光輝軼千載列席詔親賢式宴坐神仙聖  
文飛聖筆天樂奏鈞天曲池涵瑞景文字孕祥煙小臣

同百獸率舞悅堯年

裴守真奉和太子納妃詩

瑜珮升青殿穠華  
降紫微還如桃李

發更似鳳凰飛金屋貞離象瑤臺起婺徽綵纓紛碧塵  
績羽泛禴衣雲路移彤輦天津轉明鏡仙珠照乘歸寶

月重輪映望園嘉宴洽主第歡娛盛絲竹揚帝薰簪裾  
奉宸慶藪雲藹曉光湛露晞朝陽天文天景麗睿藻睿

詞芳玉庭散秋色銀宮生夕詔唐太宗冊蘇直女爲太  
涼太平起遂古萬壽樂無疆



子妃詔

配德元良必俟邦媛作儷儲貳允歸冠族祕書丞蘇重長女門襲軒冕家傳義方柔順表質幽

閑成性訓彰國史譽流邦國正位儲闈實惟冊立唐太

宗冊太子妃文

惟爾祕書丞蘇重長女族茂冠冕慶成禮訓貞順自然言容有則作合春宮實

協三善曰嫡守器式昌萬葉備茲令典仰惟國章是用命立爲皇太子妃惟欽哉其光膺命可不慎歟宋

謝莊太子妃哀冊文

楹凝桂奠庭肅龍輶風吹國路雲起郊門皇帝傷總繼之掩綵悼副

禱之滅華行光既晏長河又斜顧而言曰璇璫有毀郁烈無湮翦素裁簡授之史臣其詞曰霍岫虧天瀉流凝漢祥發桐珪慶招金算毓景帝里飛芳戚開祕儀施谷升音集灌月晷幾望梯袂惟良釋幃春宮承筐少陽五葉行藻四訓抽光歲疑蕙振婉變瓊相清徽就遠侵珍方搏臨華罷翠富暎收蘭複殿生響長廊結寒節移虛

饋氣變容衣中庭草陵階上  
螢飛傷紫里第痛溢朝闈

王第五

事

易稱先王建萬國親諸侯史記云黃帝置左

右大監以監萬國堯典云協和萬邦左傳云禹會諸侯  
於塗山執玉帛者萬國萬國之數蓋親賢兼封夏列九  
州制五服立爵五等分地有三公侯方百里伯方七十  
里子男五十里不足五十里曰附庸殷則爵列三等周  
又列爲五等則公方五百里侯伯子男各百里爲差不  
滿百里爲附庸凡王之子弟並參封之秦稱皇帝除五

等之制以郡縣子弟爲匹夫漢興立爵二等大者王小

者侯而王之號謂爲諸侯王

蔡邕獨斷曰漢制皇子封爲王其實諸侯也周末諸

侯或稱王而漢自以皇帝爲稱故以王號加諸侯總名諸侯王

後漢建武初朱祐議以

爲土無二王臣爵皆不過公於是悉封郡公十七年又

依舊稱王魏改封郡王晉又封國宋齊以後皆封郡隋

復封國公

已上並見齊職儀及五代史志

事對麟趾

犬牙

毛詩曰麟之趾振振

公子于嗟麟兮注云趾足也麟信而應禮以足至者振振信厚也吁嗟歎辭也漢書曰高帝王子弟犬牙相制

所謂磐石之固 磐石

維城

磐石見犬牙注毛詩曰懷德維寧宗子維城

藩屏皇家

# 維翰帝室

魏志曹植傳曰植初封冊書曰爰茲青社封於東土以藩屏皇家爲魏藩輔晉百官

表注云封皇子及公族親屬爲王所以維翰帝室詩云大邦惟翰

## 燾土苴茅

## 金匱駝

### 鈕

祭鬯獨斷云天子大社以五色土爲壇漢制皇太子封爲王者受天子大社之土以所封之方色東方受

青土他如其方色藉以白茅授之歸國以立社故謂之茅土孔安國注尚書曰王者封五色土爲社則各割方色土與之使立社燾以黃土苴以白茅茅取其潔黃取王者覆被四方漢書舊儀曰諸侯王黃金壘素駝鈕已

上總載

## 二南 兩東

毛詩序曰周南召南止始之道王化之卒潘岳西征賦曰我祖安陽

言陟陟郭美哉邈乎茲上之舊也固乃周召職之所分二南風之所交麟趾信於闡睢兮騶虞應乎鷦巢東觀漢記曰東平獻王蒼少有孝友之賢寬仁弘雅中元二年光武帝崩明帝詔曰東平王蒼寬博有謀可以託六

尺之孤臨大節而不可奪其以蒼爲驃騎  
將軍魏志曰臨渴侯善屬文徙封東阿王  
**魯衛** **梁楚**

左傳曰管蔡邠霍魯衛毛聃郇雍曹滕畢原豐邠文之  
昭也漢書曰漢興之初海內新定同姓寡少於是割裂

疆土立二等爵尊王子弟大  
啟九國奄有龜蒙爲梁楚也 **晉桐葉** **衛梓材** 史記曰  
唐叔虞

者成王弟成王與叔虞戲削桐葉爲珪以封叔虞史佚  
因言請擇日立叔虞成王曰與之戲耳史佚曰天子無

戲言於是遂封叔虞於唐後爲晉故毛詩曰此晉也而  
謂之唐又曰衛康叔名封周武王同母弟也封爲衛君

居河淇間周公懼康叔齒少乃申告康叔作梓材  
篇言爲政之道如梓人理材焉已上載所封國 **共室**

**同輦** 范曄後漢書曰清河王慶傳云帝初勅皇后令  
衣服與太子齊等太子時親愛入則共室出則

同輦漢書曰淮南厲王長高帝少子孝文帝初即位自  
以最親驕蹇數不奉法上寬赦之三年入朝甚縱橫從

上入苑獵與上同輦入宿北宮因留國邸東觀漢記曰清河王慶傳云永元四年移

幸北宮章德殿講白虎觀慶得入省宿止漢書宣元六王傳曰成帝無副體常不乎定陶共王來朝上謂共王

曰我未有子人命不諱一朝有他且不復相見禮如家兩長留侍我矣因留國邸朝夕侍上甚見親重

人爵比皇子漢書曰齊悼惠王孝惠二年入朝帝與齊王宴飲太后前孝惠以齊王爲凡置

上坐如家人禮又楚元王交高帝弟自文帝即御雲母位交學詩內事文帝尊寵元王子爵比皇子

輦設鐘虞懸傅暢晉公卿禮秩曰安平王孚假黃鉞前後羽葆建九旒駕駟馬御雲母輦東

觀漢記曰東海王彊兼食五郡二十九縣租入倍諸王賞賜恩寵絕於倫比置虎賁髮頭宮殿鐘虞之懸已上並王

之親寵好書樂善漢書曰淮南王安爲人好書善鼓琴不喜弋獵又曰河間獻王德修學好

古從人得善書必為好寫與之留其真加金帛賜以招之  
東觀漢記曰東平獻王蒼少有孝反之賢寬仁弘雅美  
鬚鬢明帝嘗從容問王在家為  
楚詩 沛易 漢書曰楚  
元王交字

游高祖同父少弟也 好書多材藝元王好讀詩諸子

皆讀詩號曰元王詩續漢書曰沛獻王輔性務嚴矜有

威好經書善 蟻封 象船 東觀漢記曰沛獻王輔善京  
說京氏易 氏易永平五年少雨上御靈

臺自卦以周易林占之其繇曰蟻封穴戶大雨將至上  
問輔輔曰蹇艮下坎上為水山出雲雨蟻穴居其知雨

將至魏志曰鄧哀王蒼舒少聰察岐嶷孫權曾致巨象  
太祖欲知其斤兩蒼舒曰置象大船之中而刻其所至

秤物以載之則 食時 七步 漢書曰淮南王安始入朝  
其重可知矣 為離騷傳朝受詔食時上

劉義慶世說曰魏文帝令東阿王七步成詩不成將行  
大法遂作詩曰煮豆燃豆其豆在釜中泣本是同根生

相煎何太急文  
帝大有慙色

**對三雍**

**論五經**

漢書曰河間獻王景帝子修學好古武帝

時獻王來朝獻雅樂對三雍之官應劭注曰辟雍明堂靈臺也東觀漢記曰沛獻王輔性好經書論集經傳圖

識作五經通論奉蕃以至沒遵  
履法度未嘗犯禁稱爲賢王

**北海善書**

**東平工頌**

范曄後漢書曰北海敬王睦善史書當時以爲楷則寢疾帝使驛馬今作草書尺牘十首又曰東平王蒼嘗上

光武中興頌  
帝甚美之

**錢縑助國**

**租秩賑人**

東觀漢記曰東海王彊孫傾王肅性

謀儉永初中以西羌未平上錢二十萬元初中上縑萬足以助國王隱晉書曰齊王攸國中文武下至士卒法令不食廩賜者皆以秩賦與疾病死亡者時有水旱出租稅以賑國人須豐年乃責十減其二國人賴之已上王

之才  
**曲觀**

**平臺**

曹植娛賓賦曰感夏日之炎景兮游曲觀之清涼漢書曰梁孝王廣睢陽



城七十里大修官室爲複道  
自宮連屬於平臺四十餘里  
**蘭坂**  
**桂山**  
曹植詩曰明月澄清景列

宿正參差秋蘭被長坂  
朱華冒涂池王逸劉安招隱士  
詩序曰招隱士者淮南王之所作也  
昔淮南王博雅好

古招懷天下俊偉之士  
八公之徒感慕其德而歸其仁  
各竭才智著作篇章分造詞賦  
以類相從故或稱小山

或稱大山其義猶詩有大雅小雅  
詞曰桂  
**猿巖**  
**鴈沼**

西京雜記曰梁孝王好官室苑囿  
之樂作曜華之官營  
兔園囿中有百室山山上有落  
猿嵒鴈池池間有鶴洲

兔渚廣雅  
**檀欒竹**  
**連拳桂**  
枚乘兔園賦曰脩竹檀欒  
云沼池也

拳桂見  
**玳瑁筵**  
**琉璃盃**  
劉楨瓜賦序曰在曹植座厨  
人進瓜植命爲賦促立成其

桂山注  
辭曰布象牙之席薰玳瑁之筵  
憑彤玉之几酌縹碧之樽  
鮑照淮南王宮使曲曰淮南王好長生服食鍊氣讀

仙經琉璃作盤牙作盤金丹作**宴平樂**望高唐曹植詩曰關雞盤金鼎玉七合神丹東郊道走馬長

楸間觀者咸稱善衆工歸我妍歸來宴平樂美酒斗十千宋玉高唐賦曰昔者楚襄王遊於雲夢之臺望高唐

之觀已上忘憂觀思仙臺西京雜記曰梁孝王遊於王之居處忘憂觀集諸游士各使爲

賦葛洪神仙傳曰淮南王劉安好神仙黃置館築宮白之事於是八公乃往迎之登思仙臺

西京雜記曰河間王德業日華宮置客館二十餘區以待學士史記曰燕昭王即位卑身厚禮以招賢者謂郭

隗曰誠得賢士與共報先王之耻孤之願也隗曰王必欲求士請以隗爲始况賢於隗者豈遠千里哉於是昭

王爲隗改築宮而師事之士爭趨燕**康衢**碣石史記曰鄒爽齊諸鄒亦頗採鄒衍之術以紀文

於是齊王嘉之自淳于髡以下皆命曰列大夫爲開第康莊之衢天下言齊能致天下賢士也又曰鄒衍如燕

燕王築碣石宮  
賜田  
置醴  
宋玉小言賦曰楚襄王既登陽雲之臺命諸大夫景

差唐勸宋玉等並造大言賦卒而宋玉受賞又作小言賦王曰善賜雲夢之田漢書曰初元王敬禮申公白生

穆生等穆生不嗜酒元王每置酒嘗爲穆生設醴及王戊卽位亦設醴後忘設焉穆生退曰可以逝矣  
娛

賓  
敬客  
娛賓見曲觀注又曹植詩云公子敬愛客終宴不知疲清夜遊西園飛蓋相追隨  
唐

宋  
應劉  
宋玉大言賦曰楚襄王與唐勒景差宋玉遊於陽雲之臺王曰能爲大言者上坐魏志曰

應瑒劉楨等俱爲五官中郎將文學咸善屬詩賦後瑒楨等卒文帝與吳質書曰昔年疾疫親故多罹其災徐

陳應劉一  
遊梁  
趨燕  
漢書曰司馬相如會景帝不悅文士齊人鄒陽淮陰枚乘吳人

嚴忌夫子之徒相如見而悅之因病免客遊梁得與諸侯遊士居數歲乃著子虛賦史記曰燕昭王卽位卑身

厚禮以招賢士而師事郭隗於是樂毅自魏往鄒衍自齊往劇辛自趙往是以士爭趨燕

先擁篲

不及履

史記曰鄒衍如燕昭王擁篲先驅請列弟子之坐而受業碣石宮身親往師之葛洪神仙傳曰

淮南王劉安好儒學兼該占候方術作內書言神仙黃白之事名為鴻寶於是八公乃往八公初詣門鬚眉皓素門吏先密以白王王使閽人自以意難問之言畢八公皆變為童子年可十四五雲髻色如桃花於是門吏驚竦以白王王聞之不及履卽出

曳長裾

飛廣袖

鄒陽上吳王書曰臣聞蛟龍驤

首奮翼則浮雲出流霧雨咸集聖人砥節修德則遊談之士歸義思名今臣盡智畢議易精極慮則無國而不可干飾固陋之心則何王之門不可曳長裾乎西京雜記曰梁孝王遊忘憂觀集諸遊士各使爲賦鄒陽爲酒賦曰哲王臨國綽矣多暇召皓皓之臣聚肅肅之賓錦綺爲席犀據爲鎮曳長裾飛廣袖奮長纓英偉之士莞

爾而卽之已賦魏夏侯玄皇盾賦覽二儀之上體本人倫之大紀道莫崇於后

辟統莫大於承祀伊皇衢之光赫享乾坤之元祉在大和之五載肇皇盾之盛始時惟孟秋和氣淑清良辰旣

啟皇子誕生爾乃發愷悌之明詔振湛恩之豐沛永惠洽乎黎民崇施暢於無外爵羣兆以布德赦殊死以示

仁黔首詠而齊樂願皇祚之日新詩宋劉孝義行過康王故第苑詩入

逢故苑度薜見餘宮尚識招賢閣猶懷愛士風光靈一超遠衡館亦蒙籠洞門餘舊邑甘棠留故藂送禽悲不

去過客慕難窮池竹徒如在林堂暖已空遠橋隔樹出迥澗隱崖通芳流小山桂塵起大王風具物咸如此是

地感隋薛昉巢王座分韻得餘字詩平臺愛賓友逢掖齒簪裾藉卉懷春暮開襟近

夏初嫩枝猶露鳥細藻欲藏魚舞袖臨飛閣歌聲出綺疏莫慮歸衢晚馳輪待興餘于仲容答

譙王詩

梧臺開廣宴竹苑列英賢景差方入楚樂毅始遊燕折角揮談柄重席吐言泉武騎初槁翰文

學正題鞭玉徽調綠綺璧散沉青田晚霞澹遠岫落景藻長川未陪東閣賞獨詠西園篇唐褚亮和望

月應魏王敬詩

層軒登皎月流照滿中天色共梁珠遠光隨趙壁圓落影臨秋扇虛輪入夜筵

所欣東館裏預奉西園篇

李敬元奉和別魯王詩

絲車旋楚服丹蹕佇秦川珠臯轉歸

騎金岸引行旃一朝限原隰千里間風煙鷺喧上林谷鳧響御溝前斷雲移魯蓋離歌動舜絃別念疑神辰崇

思洽玳筵顧惟慙叩寂徒自仰鈞天

又奉和別越王詩

飛蓋迴蘭坂宸襟佇柏梁別館分涇

渭歸路指衡漳關山通曙色林籟編春光帝念紆千里詞波照五潢楊思玄奉和別魯王

詩元王詩傳博文后寵靈優鶴蓋動宸眷龍章送遠遊函關疎別道灞岸引行舟北林分苑樹東流溢御溝

鳥聲含羽碎騎影曳花浮聖澤九坡普  
張大安奉和別  
天文七耀周方圖獻雅樂符帶奉鳴球

越王詩

盛藩資石戚連萼重皇情離襟愴睢苑分途指  
鄴城麗日開芳甸佳氣積神京何時駢駕入還

見謁承明劉禕之奉和別越王詩

周屏辭金殿梁駉整玉珂  
管聲依折柳琴韻動流波

鶴蓋分陰促龍軒別念多  
頌魏陳王曹植皇子生頌  
於

延襟小山路還起大風歌  
我后懿章前志克慕三皇王靈昭事祇肅郊廟明德敬  
忌潛和積德鍾天之矜嘉月令辰薦生聖嗣慶由一人

萬國作喜喁喁萬國岌岌羣生稟命我后綏之則榮長  
爲臣妾終天之經仁聖奕代永戴明明同年上帝休祥

淑禎藩臣作  
頌光流德聲冊唐太宗冊梁州都督漢王元昌  
夫易陳  
利建道

貫三才傳稱夾輔業昌百代是以周之魯衛式固維城  
漢之梁趙克崇磐石惟爾幼聞教義器識聰敏早開土

宇禮數優崇過矣南鄭襟帶西蜀按部之重茂親是用錫以茅土賦茲典冊爰誓山河永作蕃屏朕聞曰事君盡禮資於孝敬爲政以德始於仁厚故士無貴賤由之者揚名時無古今背之者淤行爾往欽哉去奢從儉遠佞尊賢克勤匪懈垂憲乃後可不慎歟

又冊荊州都督荆王元景

夫建官之道實

資明德列爵之義必俟茂親故晉鄭佐周功宣於魯亮間平輔漢業崇於藩屏惟爾業尚忠肅器懷恭懿幼稟庭訓早膺朝寵仁恕聞於封畿廉平著於方策荆衡作鎮江漢爲紀包括巴漢之域跨躡吳越之郊褰帷永諧分珪僉屬是用備茲令典錫以休命奄有楚甸代爲唐輔可不慎歟

奏陳尚書八座奏封鄱

陽王伯山

臣聞本枝惟茂宗周之業以弘磐石旣建皇漢之圖斯遠故能協宣五運規範百王式固

靈根克昌丕緒第三皇子伯山發審德於齒年表奇姿於此日光昭丹掖輝映青闈而玉圭未執金錫靡駕豈



所以敦序維翰建樹藩戚  
臣等恭議宜封鄱陽王

表梁沈約爲南郡王讓中軍

表

臣聞建侯茂則非賢因樹分器鴻典惟懿實先而臣  
挹道未弘踐義多缺徒升國異空襲宸寵光珪華組

掩藹於關垂令采徽猷寂寥於向表晨伸委帶夕軫臨  
顏皇衢肇啓鼎運始資魯衛兼啟義邈周年齊楚並建

禮高漢日臣以末第聯輝上序祐履  
荆阿懷重夢曲拊志惟熏佩握如擣

劉孝綽爲鄱陽

嗣王初讓雍州表

臣聞大邦惟屏旣慙宗子之詩思樂  
類官有缺僖公之頌特以周興九伯

錫壤參虛漢啓二河分珪舊楚身私家慶總集微躬雍  
部襟帶跨制數州西拒峽關北跨鄧塞雖復呼韓來朝

橐街納質二寇尋戈四郊無警猶當王戎雅識羊祜  
尚義臣退求諸已無或宴安進思盡忠幾乎私竭

章

梁沈約爲晉安王謝南充州章

臣以萊孱幼無秀業依  
天宅照藉海憑瀾王爵

早加藩麾夙樹進不能閑詩西楚好禮北河退無以振  
采六條宣風萬里懷慙起懼載溢心顏而皇明輝燭照  
被彌遠遂乃徙旆淮區遷金濟服朱驂  
出即青組臨方瞻惟徵寵俯仰亡厝  
又為安陸王謝

荊州章

臣託景宸區早延休寵身班帝穆爵首藩珪好  
禮慙河敦詩愧楚懸旆出關徒違絳闕擬金八

濟識謝戎麾而照臨彌廣復叨匪服紀南形勝任總上  
游西緯岷邛北繼峭陝六轡在手猶或稱難羣牧稟威  
茲道孰易是以摠情陸白布欵幄垂霄塗嚴遠事  
隔披照腆冒斯顏膺此謬荷祇奉競懼固知攸託

公主第六事

昔堯女有娥皇女英舜妹有敷手敷音欺  
禍反

舜女有宵明燭光湯有帝乙歸妹

即成  
湯妹

周武王之女嫁

于陳故公主未有封邑之號至周中葉天子嫁女于諸

侯天子至尊不自主婚必使諸侯同姓者主之始謂之  
公主秦代因之亦曰公主史記云李斯男皆尚秦公主  
是也漢制帝女爲公主帝姊妹爲長公主帝姑爲大長  
公主後漢制皇女皆封縣公主儀服同蕃王其尊崇者  
加號長公主諸王女皆封鄉亭公主儀服同鄉亭侯范

後漢書曰章帝封東平憲王蒼琅邪孝王京女爲縣公主其後安帝妹亦封長公主同於皇女封縣公主者所生之子襲母封爲列侯後皆傳國鄉亭之封則不傳自晉之後帝女依西漢曰公

主帝之姑姊並曰長公主自漢已來皆別置第舍府屬

至隋省府屬

並見齊職儀及  
晉代百官志

唐神龍初又置府屬景龍

末復省事對歸妹

降嬪

應劭風俗通曰易稱帝乙歸  
妹以祉元吉婦人謂嫁娶之

禮曰歸其妹於諸侯亨終吉也尚書曰釐降二女於媯  
汭嬪於虞注云降下也嬪婦也沈約宋書曰江斲尚孝

武帝女表讓婚曰伏承詔旨當以臨  
海公主降嬪榮出望表恩加典外

節義

肅雍

范曄  
後漢

書曰鄧晨初娶光武姊元及漢兵起晨將會賓客棘陽  
漢兵敗姊亡光武即位封晨房子侯帝感悼姊歿於亂

追封諡元爲新野節義長公主立廟於縣西詩  
云曷不肅雍王姬之車謂平王之女嫁齊侯也金根

銅縷

魏收後魏書曰金根車公主封君皆得乘之但右  
駢而已續漢書曰印璽綬王公玉匣銀縷夫人貴

人長公  
主銅縷賜金

獻珠

漢書曰孝武衛皇后字子夫爲平  
陽公主謳者武帝即位數年無子

過平陽公主既飲謳者進帝獨悅子夫帝起更衣子夫侍尚衣軒中得幸還坐悅甚賜平陽公主金千斤列仙

傳曰朱仲會稽市販珠人高后募三寸珠乃詣闕上之珠好過度賜五百金魯元公主私以七百金從仲求珠

獻四寸常山 沁水 魏收後魏書曰陸昕之風望端雅尚獻帝女常山公主拜駙馬都尉

公主奉姑有孝稱神龜初與穆氏琅邪長公主並爲女侍中范曄後漢書曰竇憲字伯度女弟立爲皇后憲侍

宮振聲勢遂以縣直金鄉 蘭陵 魏末傳曰何晏婦金請奪沁水公主園

公主賢明謂其母沛王太妃曰晏爲惡日甚將不保身母笑曰汝得無妬晏耶魏收後魏書曰劉暉字重昌正

始初尚蘭陵長清河 臨海 魏略曰植將朝京都到關自念過多且當謝帝

乃留其從官著關東將二三人微行入見清河公主欲因主以謝而關吏以聞帝使人逆之不見太后以爲自

殺對帝泣晉中興書曰臨海公主惠帝女羊  
后所生初封清河公主未出道值永嘉亂 鄂邑 襄

城漢書曰昭帝始立年八歲帝長姊鄂邑蓋長公主居  
禁中共養帝蓋公主私通客河間丁外人上與大將

軍聞之不絕有詔外人侍長公主晉中興書曰王敦字  
處仲尚武帝女襄城公主天下大亂敦將還臺悉以公

主嫁時侍婢百餘人配 同姓主 列侯尚 同姓主見叙  
給將士金寶一時棄捐 事應劭風俗

通曰列侯高公主國人承翁 妻單于 娉昆莫 漢書曰  
主以妻制夫陽屈於陰爾 單于兵

強數苦北邊上問婁敬曰陛下誠能以嫡公主妻單于  
厚奉遺之彼知漢女送厚蠻夷必慕以為閼氏生子必

為太子豈曾聞外孫敢與大父抗禮哉又曰烏孫以馬  
千疋娉漢女元封中遣江都王建女細君為公主以妻

焉贈送甚厚烏孫 出紫微 加綠綬 左九嬪上萬年公  
昆莫以為右夫人 主諫曰篤生公主

誕應休期秀出紫微日輝月朗賦榮緒晉  
書曰帝之姑姊妹皆爲長公主加綠綬  
爲子求郎

爲子贖罪

後漢書曰館陶公主爲子求郎明帝不許而賜錢千萬謂羣臣曰郎官上應列宿出宰百

里苟非其人民受其殃是以難之漢書曰林慮公主子昭平君尚武帝女夷安公主林慮因病以金千斤錢千萬爲昭平君贖死罪帝許之林慮公主卒昭平日驕醉殺主傅母繫獄廷尉上請左右爲前入贖陛下許之帝曰吾姊老有是一子死以囑我於是爲之垂涕良久曰法令先帝所造因姊故而誣先帝之法吾何面目入高廟乎遂可

董宣扣馬

高穆破車

范曄後漢書曰董宣爲洛陽令時湖陽公主蒼

頭白日殺人因匿主家吏不能得及主出行而以奴驂乘宣於夏門亭候之乃駐車扣馬以刀畫地大言數主之失叱奴下車因格殺之魏收後魏書曰高道穆爲御史中尉莊帝姊壽陽公主行犯清路執赤棒卒呵之不止

穆令捧破其車公主深以為恨泣以訴帝帝謂主曰下  
高中尉清貞之人彼所行者公事豈可以私責之

天孫之津

降帝子之渚

史記天官書曰婺女織女天女孫也楚辭云帝子降兮北

渚日眇眇兮愁予王逸注云帝子堯子也詩唐李嶠長寧公主東莊侍宴詩別

臨青甸鳴鸞降紫霄長筵駕鶯鶯集仙管鳳凰調樹接南山近煙含北渚遙承恩咸已醉總賞未還鮪崔湜

長寧公主東莊侍宴詩

沁園東郭外宸駕一遊盤水榭宜時涉山樓尚晚看席臨天女

貴林接近臣歡聖藻懸辰象微臣切仰觀李適長寧公主東莊侍宴詩鳳樓紆睿

幸龍舸暢宸襟歌舞平陽第園亭沁水林山花李又長  
添聖酒澗竹繞薰琴願奉瑤池駕千春侍德音

寧公主東莊侍宴詩

紫禁乘雷動青門訪水嬉上台鐘室慶仙女鳳樓期合宴簪紳滿承



恩雨露滋北辰還  
捧日東館幸逢時  
又奉和幸長寧公主莊詩  
平陽館外有仙家沁

水園中好物華地出東郊迴日馭城臨南斗度雲車風  
泉韻繞幽林竹雨霰光搖雜樹花已慶時來千億壽還

言日暮徐彥伯奉和送金城公主詩  
鳳屋憐蕭曲鸞闈念掌珍羌庭遙築

館廟策重和親星轉天河夕花移閭朝隱奉和送金城  
海樹春聖情悽送遠留蹕望行塵

公主詩  
甥舅重親地君臣厚義鄉還將貴公主嫁與禱魏王鹵簿山川閩琵琶道路長迴瞻父母國日

出在誄魏陳王曹植平原懿公主誄曰  
於維懿主瑛瑤其質協策應期

含英秀出岐嶷之姿實朗實一在生十旬察人識物儀  
同聖表聲協音律曠眉識徃俛瞳知來求顏必笑和音

卽該阿保接手侍御充傍常在襁褓不停第床專愛一  
宮取玩聖皇何圖奄忽罹天之殃魂神遷移精爽翺翔

號之不應聽之莫聆帝用吁嗟嗚咽失聲嗚呼哀哉憐  
爾早歿不逮陰光改封大郡惟帝舊疆建土開家邑移  
蕃王琨珮惟鮮朱紱斯煌國號旣崇哀爾孤獨配爾名  
才華宗貴族爵以列侯銀艾優渥成禮於宮靈輜交轂  
生雖異室歿同山岳爰構玄宮玉石交連朱房皓壁暘  
曜電鮮長堤繕修神閨啟扉二柩並降雙魂孰依人誰  
不沒憐爾尚微晉潘岳南陽長公主誄曰於穆獻主奔代熙盛

國之仁姑家之慈母天道輔仁  
宜享遐壽如何短命曾不華首

駙馬第七事漢制天子以列侯尚公主諸侯以國人承

翁主

崔浩義云尚承皆卑下之名也公主別立第舍太  
子之女則令列侯就第奉事之故尚公主諸王女

則當國人來承事之皆不得謁見舅姑通問而已天子  
尊令諸公代主婚故曰公主諸王卑則自主之故曰翁

主後漢皇女爲縣公主諸王女爲  
鄉亭公主晉已後王女爲縣主  
魏晉之後尚公主皆

拜駙馬都尉初駙馬都尉漢武置也掌御馬

說文曰駙馬字從馬

付聲一日駙近也疾也應劭曰自上安下曰尉都謂總領

歷兩漢多宗室及外戚與

諸公子孫任之至魏何晏大將軍何進孫以主壻拜駙

馬都尉其後杜預尚晉宣帝女高陸公主拜駙馬都尉

王濟尚晉文帝女常山公主拜駙馬都尉後代因魏晉

以爲恒每尚公主則拜駙馬都尉

出漢書及齊職儀又晉書傳宣尚晉武帝

女弘農公主桓溫尚元帝女南康公主荀羨尚元帝潯陽公主劉慎尚晉明帝女廬陵公主皆拜駙馬都尉

事對名才

貴族

名才見下江敦表曹植平原公主誄曰配爾名才華宗貴族爵以列侯銀

艾優

天姻

國婚

天姻見下江敦表荀羨字令則年十五擬國婚之選羨不欲連姻帝室乃

遠適長沙監司追尋不獲已  
遂尚潯陽公主出荀氏家傳

同輿

連日

魏收後魏書曰馮誕字子

正與高祖同歲幼侍書學特蒙親待尚高祖妹樂安公主拜駙馬都尉高祖寵誕同輿而載同檢而食同席而

坐卧謝萬駙馬都尉劉眞長誄曰弱冠振纓結婚帝室綢繆姻婭連光雲日

降鶴

賜駿

劉

列仙傳曰蕭史善吹簫能招白鶴教弄玉鳳鳴居數十年吹簫作鳳聲鳳皇來止其屋爲作鳳臺夫婦止其上

一日皆隨鳳飛去案弄玉秦穆公女也後魏書曰宿石元明帝時拜中壘將軍嘗從獵帝親欲射虎石扣馬諫

引帝上高原上後虎騰躍殺人詔石爲忠臣切諫免虎之害賜馬一疋尚上谷公主拜駙馬都尉

傳粉

吹簫

魚豢魏略曰何晏字平叔美姿儀面絕白魏帝疑其傅粉後至夏月喚來而與熱湯餅大汗出

遂以朱衣自拭色轉皎然帝始信之吹簫見上降鶴注中二主同家 三尚異穴范

後漢書曰竇融長子穆尚內黃公主弟子固尚溫陽公主竇氏一公兩侯二公主後魏書曰劉昶尚武邑公主

主堯更尚建興公主又堯更尚平陽楊喬閉口 宋弘

長公主及昶終與三公主同塋異宮

不諧謝承後漢書曰楊喬爲尚書容儀偉麗數上書言政事桓帝愛其才貌詔妻以公主喬固讓不聽遂

閉口不食七日而死范曄後漢書曰光武姊湖陽公主新寡帝共論朝臣微觀其意主曰宋公威容德器羣臣

莫及帝曰方且圖之後弘被引見帝今姊坐屏風後因謂弘曰諺云富易交貴易妻人情乎弘曰臣聞貧賤之交不可忘糟糠之妻不下堂帝顧謂主曰事不諧矣制唐中宗賜駙馬封制門下


行石散騎常侍駙馬都尉觀國公揚慎矜分榮戚里藉  
寵公門恭肅著於立身恪勤効於從政鳳凰樓上宛符  
琴瑟之歡烏鵲橋前載叶松蘿之契宜覃茅土式廣山河  
表宋虞通之爲江散讓尚

公主表

伏承詔旨當以臨海公主降嬪榮出望表恩加  
典外顧審輜蔽伏用憂惶臣寒門忤族凡質

陋閭閻有對本隔天如臣素流家貧業寡年近將冠  
皆已有室荆釵布裙足得成禮自晉氏已來配尚公主  
者雖素經華胄垂有名才至如王敦懾氣桓溫歛威真  
長伴愚以固辭子敬奔走以求免王偃無仲都之質而  
裸露於北階何瑀闕龍工之姿而見投於深井謝莊迨  
仔同於矇眊殷沖幾不免於強鉏制勒甚於僕隸防閑  
過於婢妾往來出入人理之常當待賓客朋從之義而  
令掃轍息駕無窺門之期廢筵抽席絕接對之理非惟  
交友離異仍乃兄弟疎闊姆媼爭媚相勸以嚴妃媼競  
前相詣以急其間又有應答問訊卜筮師母乃至殘餘

飲食詰辨與誰衣被故弊必責頭領或進不獲前或入  
不聽出不入則嫌於欲疎求出則疑有別意召必以三  
晡為期遣必以日出為限夕不見晚餽朝不識曙星至  
於夜步月而弄琴畫拱袂而披卷一生之內與此長乖  
又聲影纔聞則少婢奔進裾袂向席則醜老藁來左右整  
刷以疑寵見嫌賓客未冠以少容致斥如臣門分代荷  
殊榮足守家聲便預提拂清宜美官或由才升一叨婚  
戚咸成恩假是以仰冒非宜披露丹質非唯上陳一已  
規全身願實乃廣申諸門受惠之切伏願天慈照察特  
賜蠲停若恩制難降披請不申使當刊膚剪髮投山窟  
云海云



初學記卷十